

ЎЗБЕКИСТОН РЕСПУБЛИКАСИ 28-29-сон
ҚОНУН ҲУЖЖАТЛАРИ (164-165)
ТЎПЛАМИ 2005 й.
ИЮЛЬ

Ўзбекистон Республикаси Қонун ҳужжатлари тўплами беш бўлимдан иборат:

тўпلامнинг биринчи бўлимида Ўзбекистон Республикаси қонунлари ва Ўзбекистон Республикаси Олий Мажлиси палаталарининг қарорлари эълон қилинади;

иккинчи бўлимда Ўзбекистон Республикаси Президентининг фармон, қарор ва фармойишлари эълон қилинади;

учинчи бўлимда Вазирлар Маҳкамасининг қарор ва фармойишлари эълон қилинади;

тўртинчи бўлимда Ўзбекистон Республикаси Конституциявий судининг қарорлари эълон қилинади;

тўпلامнинг бешинчи бўлимида вазирликлар, давлат қўмиталари ва идораларининг Ўзбекистон Республикаси Адлия вазирлигида давлат рўйхатидан ўтказилган норматив-ҳуқуққий ҳужжатлари эълон қилинади.

МУНДАРИЖА

Иккинчи бўлим

202. «Ўзбекистон Республикаси Президентининг баъзи фармонларини ўз кучини йўқотган деб ҳисоблаш тўғрисида» Ўзбекистон Республикаси Президентининг 2005 йил 15 июлдаги ПФ-3624-сон Фармони
203. «Ўзбекистон Республикаси Президентининг баъзи фармонларига ўзгартиш ва қўшимчалар киритиш тўғрисида» Ўзбекистон Республикаси Президентининг 2005 йил 18 июлдаги ПФ-3625-сон Фармони
204. «Ўзбекистон Республикаси Президентининг баъзи фармонларига ўзгартишлар киритиш тўғрисида» Ўзбекистон Республикаси Президентининг 2005 йил 19 июлдаги ПФ-3626-сон Фармони
205. «Тошкент тиббиёт академиясини ташкил қилиш тўғрисида» Ўзбекистон Республикаси Президентининг 2005 йил 19 июлдаги ПФ-3629-сон Фармони
206. «Ташқи иқтисодий ва савдо алоқалари, хорижий инвестицияларни жалб этиш соҳасида бошқарув тизимини такомиллаштириш тўғрисида» Ўзбекистон Республикаси Президентининг 2005 йил 21 июлдаги ПФ-3631-сон Фармони
207. «Ўзбекистон Республикаси аҳоли пунктларининг маъмурий-ҳудудий тузилишини

- янада такомиллаштириш чора-тадбирлари тўғрисида» Ўзбекистон Республикаси Президентининг 2005 йил 14 июлдаги ПҚ-120-сон қарори
208. «Маннон Уйғур номидаги Тошкент давлат санъат институти фаолиятини такомиллаштириш тўғрисида» Ўзбекистон Республикаси Президентининг 2005 йил 21 июлдаги ПҚ-128-сон қарори

Учинчи бўлим

209. «Ўзбекистон Республикаси Вазирлар Маҳкамасининг «Банк тизимини ислоҳ қилиш чора-тадбирлари тўғрисида» 1999 йил 15 январдаги 24-сон қарорига ўзгартириш киритиш ҳақида» Ўзбекистон Республикаси Вазирлар Маҳкамасининг 2005 йил 9 июлдаги 158-сон қарори
210. «Ўзбекистон Республикаси Ҳукуматининг айрим қарорларига ўзгартиришлар киритиш тўғрисида» Ўзбекистон Республикаси Вазирлар Маҳкамасининг 2005 йил 18 июлдаги 161-сон қарори
211. «Ўзбекистон Республикаси Президентининг «Тошкент тиббиёт академиясини ташкил этиш тўғрисида» 2005 йил 19 июлдаги ПФ-3629-сон Фармонини амалга ошириш чора-тадбирлари ҳақида» Ўзбекистон Республикаси Вазирлар Маҳкамасининг 2005 йил 21 июлдаги 164-сон қарори

Бешинчи бўлим

212. «Гиёҳвандлик воситалари ёки психотроп моддаларни нотиббий истеъмол қилувчи шахсларни, гиёҳвандлик ёки заҳарвандлик билан касалланган беморларни ҳисобга олиш ва кузатиб бориш тартиби тўғрисида йўриқномани тасдиқлаш ҳақида» Ўзбекистон Республикаси Соғлиқни сақлаш вазирининг 2005 йил 15 июндаги 278-сон буйруғи. (*Ўзбекистон Республикаси Адлия вазирлиги томонидан 2005 йил 15 июлда 1494-сон билан давлат рўйхатидан ўтказилди*)
213. «Қимматли қоғозлар бозорида маслаҳат бериш фаолияти тўғрисида низомни тасдиқлаш ҳақида» Ўзбекистон Республикаси Давлат мулки қўмитаси ҳузуридаги Қимматли қоғозлар бозори фаолиятини мувофиқлаштириш ва назорат қилиш марказининг 2005 йил 15 июндаги 2005-06-сон қарори. (*Ўзбекистон Республикаси Адлия вазирлиги томонидан 2005 йил 15 июлда 1495-сон билан давлат рўйхатидан ўтказилди*)
214. «Ўзбекистон Республикаси банкларида кам баҳоли ва тез эскирувчи буюмларнинг бухгалтерия ҳисобини юритиш тўғрисида йўриқномани тасдиқлаш ҳақида» Ўзбекистон Республикаси Марказий банки Бошқарувининг 2005 йил 11 июндаги 13/5-сон қарори (янги таҳрирда). (*Ўзбекистон Республикаси Адлия вазирлиги томонидан 2005 йил 15 июлда 1496-сон билан давлат рўйхатидан ўтказилди*)
215. «Очиқ валюта мавқеини юритиш қоидаларининг янги таҳририни тасдиқлаш ҳақида» Ўзбекистон Республикаси Марказий банки Бошқарувининг 2005 йил 28 майдаги 610-сон қарори (янги таҳрирда). (*Ўзбекистон Республикаси Ад-*

лия вазирлиги томонидан 2005 йил 15 июлда 1497-сон билан давлат рўйхатидан ўтказилди)

216. «Темир йўл транспорти йўловчиларининг қўл юкини, багажини, валютасини ва валюта бойликларини божхона назоратидан ўтказиш ва расмийлаштириш тартибига ўзгартириш ва қўшимчалар киритиш ҳақида» Ўзбекистон Республикаси Давлат божхона қўмитаси, «Ўзбекистон темир йўллари» ДАК, Молия вазирлиги, Марказий банк Бошқарувининг 2005 йил 7 июлдаги 01-02/12-17, 42, 64, 120-В-1-сон қарори. *(Ўзбекистон Республикаси Адлия вазирлиги томонидан 2005 йил 15 июлда 619-1-сон билан давлат рўйхатидан ўтказилди)*
217. «Тижорат банклари томонидан Марказий банкда мажбурий захираларни депонентлаш тартиби тўғрисидаги низомга ўзгартириш ва қўшимчалар киритиш ҳақида» Ўзбекистон Республикаси Марказий банки Бошқарувининг 2005 йил 11 июндаги 13/7-сон қарори. *(Ўзбекистон Республикаси Адлия вазирлиги томонидан 2005 йил 16 июлда 1444-1-сон билан давлат рўйхатидан ўтказилди)*
218. «Ишловчи пенсионерларга пенсия тўлаш тартибига ўзгартириш ва қўшимчалар киритиш ҳақида» Ўзбекистон Республикаси Меҳнат ва аҳолини ижтимоий муҳофаза қилиш вазирлиги, Мудофаа вазирлиги, Ички ишлар вазирлиги, Миллий хавфсизлик хизматининг 2005 йил 6 июлдаги 103, 361, 3/3-413а, 80-сон қарори. *(Ўзбекистон Республикаси Адлия вазирлиги томонидан 2005 йил 20 июлда 198-1-сон билан давлат рўйхатидан ўтказилди)*
219. «Ўзбекистон Республикаси тижорат банкларида бухгалтерия ҳисоби ҳисобварақлари режасига ўзгартириш ва қўшимчалар киритиш тўғрисида» Ўзбекистон Республикаси Марказий банки Бошқарувининг 2005 йил 25 июндаги 14/4-сон қарори. *(Ўзбекистон Республикаси Адлия вазирлиги томонидан 2005 йил 20 июлда 773-19-сон билан давлат рўйхатидан ўтказилди)*
220. «Банкларни рўйхатга олиш ва лицензиялаш тартиби тўғрисидаги низомга ўзгартиришлар киритиш ҳақида» Ўзбекистон Республикаси Марказий банки Бошқарувининг 2005 йил 16 июлдаги 15/3-сон қарори. *(Ўзбекистон Республикаси Адлия вазирлиги томонидан 2005 йил 21 июлда 630-9-сон билан давлат рўйхатидан ўтказилди)*
221. «Локомотив бригадалари ходимларининг рейс олди тиббий кўригини ташкил этиш ва ўтказиш қоидаларини тасдиқлаш тўғрисида» Ўзбекистон Республикаси Соғлиқни сақлаш вазирлиги, «Ўздавтемирийўлназорат» давлат инспекциясининг 2005 йил 4 июлдаги 3, 1/6-7-12-сон қарори. *(Ўзбекистон Республикаси Адлия вазирлиги томонидан 2005 йил 21 июлда 1498-сон билан давлат рўйхатидан ўтказилди)*

Вазирликлар, давлат қўмиталари ва идораларининг умумий мажбурий тусдаги меъёрий ҳужжатларини давлат рўйхатидан ўтказиш ҳолати тўғрисида 2005 йил 9 июлдан 22 июлгача бўлган маълумот

ИККИНЧИ БЎЛИМ

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ФАРМОНИ

202 Ўзбекистон Республикаси Президентининг баъзи фармонларини ўз кучини йўқотган деб ҳисоблаш тўғрисида

Ўзбекистон Республикаси Президентининг «Банк тизимини янада ислоҳ қилиш ва эркинлаштириш чора-тадбирлари тўғрисида» 2005 йил 15 апрелдаги ПҚ–56-сонли қарорига мувофиқ.

1. Қуйидагилар ўз кучини йўқотган деб ҳисоблансин:

Ўзбекистон Республикаси Президентининг «Ўзбекистон Республикасининг тижорат банклари учун низомдаги сармойанинг энг оз миқдорини ўзгартириш тўғрисида» 1993 йил 16 февралдаги ПФ–563-сонли Фармони;

Ўзбекистон Республикаси Президентининг «Хусусий тижорат банкларини ташкил қилишни рағбатлантириш чора-тадбирлари тўғрисида» 1997 йил 24 апрелдаги ПФ–1749-сонли Фармони 1-бандининг бешинчи хатбоши;

Ўзбекистон Республикаси Президентининг «Пул массаси ўсишини чеклаш ва молия интизомига риоя этиш масъулиятини ошириш чора-тадбирлари тўғрисида» 2002 йил 30 мартдаги ПФ–3047-сонли Фармонининг 7-банди.

2. Ўзбекистон Республикаси Адлия вазирлиги бир ой муддатда вазирликлар ва идораларнинг норматив ҳужжатларини мазкур Фармонга мувофиқлаштиришни таъминласин.

3. Ушбу Фармоннинг ижросини назорат қилиш Ўзбекистон Республикаси Бош вазирининг биринчи ўринбосари Р.С. Азимов ва Ўзбекистон Республикаси Марказий банкнинг раиси Ф.М. Муллажонов зиммаларига юклансин.

Ўзбекистон Республикаси Президенти И. КАРИМОВ

Тошкент ш.,
2005 йил 15 июль,
ПФ–3624-сон

ЎЗБЕКИСТОН RESPUBLIKASI PREZIDENTINING FARMONI

203 Ўзбекистон Республикаси Президентининг баъзи фармонларига ўзгартиш ва қўшимчалар киритиш тўғрисида

Ўзбекистон Республикаси Президентининг «Ўзбекистон Республикаси Маданият ва спорт ишлари вазирлигини ташкил этиш тўғрисида» 2004 йил 27 сентябрдаги ПФ–3491-сонли Фармонига мувофиқ:

1. Ўзбекистон Республикаси Президентининг баъзи фармонларига иловага мувофиқ ўзгартиш ва қўшимчалар киритилсин.

2. Ушбу Фармоннинг ижросини назорат қилиш Ўзбекистон Республикаси Бош вазирининг ўринбосари Р.С. Қосимов зиммасига юклансин.

Ўзбекистон Республикаси Президенти И. КАРИМОВ

Тошкент ш.,
2005 йил 18 июль,
ПФ–3625-сон

Ўзбекистон Республикаси
Президентининг 2005 йил 18 июлдаги
ПФ–3625-сонли фармонига
ИЛОВА

Ўзбекистон Республикаси Президентининг баъзи фармонларига киритиладиган ўзгартиш ва қўшимчалар

1. Ўзбекистон Республикаси Президентининг «Республикада мусиқий таълимни, маданият ва санъат ўқув юртлари фаолиятини яхшилаш тўғрисида» 1996 йил 31 декабрдаги ПФ–1692-сонли Фармони 1-бандининг учинчи хатбоши, 2-бандининг биринчи хатбоши ва 3-бандининг биринчи хатбошидаги «Маданият ишлари» деган сўзлар «Маданият ва спорт ишлари» деб ўзгартирилсин.

2. Ўзбекистон Республикаси Президентининг 1997 йил 10 октябрдаги ПФ–1871-сонли Фармони билан тасдиқланган, Экспорт қилиниши тақиқланган буюмлар ва махсулотлар рўйхати 10-бандидаги «Маданият ишлари» деган сўзлар «Маданият ва спорт ишлари» деб ўзгартирилсин.

3. Ўзбекистон Республикаси Президентининг «Музейлар фаолиятини тубдан яхшилаш ва такомиллаштириш тўғрисида» 1998 йил 12 январдаги ПФ–1913-сонли Фармони 5-бандидаги «Маданият ишлари» деган сўзлар «Маданият ва спорт ишлари» деб ўзгартирилсин.

4. Ўзбекистон Республикаси Президентининг «Ўзбекистон театр санъатини ривожлантириш тўғрисида» 1998 йил 26 мартдаги ПФ–1980-сонли Фармони 6-бандидаги «Маданият ишлари» деган сўзлар «Маданият ва спорт ишлари» деб ўзгартирилсин.

5. Ўзбекистон Республикаси Президентининг 2003 йил 9 декабрдаги ПФ–3358-сонли Фармони билан тасдиқланган Республика давлат бошқаруви органлари рўйхатида:

- а) I бўлимнинг 8-бандидаги «Маданият ишлари» деган сўзлар «Маданият ва спорт ишлари» деб ўзгартирилсин;
- б) II бўлимнинг 10-банди чиқариб ташлансин; 11-банд 10-банд деб ҳисоблансин.

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ФАРМОНИ

204 Ўзбекистон Республикаси Президентининг баъзи фармонларига ўзгартишлар киритиш тўғрисида

Ўзбекистон Республикаси Президентининг 2005 йил 2 майдаги «Ўзбекистон Республикаси Монополиядан чиқариш, рақобат ва тадбиркорликни қўллаб-қувватлаш давлат қўмитасини ташкил этиш тўғрисида»ги ПФ-3602-сонли ҳамда 2005 йил 4 майдаги «Ўзбекистон Республикаси Давлат мулки қўмитасининг номини ўзгартириш тўғрисида»ги ПФ-3603-сонли фармонларига мувофиқ:

1. Ўзбекистон Республикаси Президентининг баъзи фармонларига иловага мувофиқ ўзгартишлар киритилсин.
2. Мазкур Фармоннинг ижросини назорат қилиш Ўзбекистон Республикаси Бош вазирининг биринчи ўринбосари Р.С. Азимов зиммасига юклансин.

Ўзбекистон Республикаси Президенти И. КАРИМОВ

Тошкент ш.,
2005 йил 19 июль,
ПФ-3626-сон

Ўзбекистон Республикаси
Президентининг 2005 йил 19 июлдаги
ПФ-3626-сонли Фармонига
ИЛОВА

Ўзбекистон Республикаси Президентининг баъзи фармонларига киритиладиган ўзгартишлар

1. Ўзбекистон Республикаси Президентининг 1994 йил 7 февралдаги «Ўзбекистон Республикасининг Давлат мулкани бошқариш ва тадбиркорликни қўллаб-қувватлаш давлат қўмитасини ташкил қилиш тўғрисида»ги ПФ-758-сонли Фармонида:

2-бандда:

биринчи, иккинчи ва учинчи хатбошидаги «ва тадбиркорликни қўллаб-қувватлаш» деган сўзлар чиқариб ташлансин;

иккинчи хатбошидаги «ва республикада хусусий бизнесни ривожлантиришга кўмаклашиш» деган сўзлар чиқариб ташлансин;

3-банддаги «ва тадбиркорликни қўллаб-қувватлаш» деган сўзлар чиқариб ташлансин.

2. Ўзбекистон Республикаси Президентининг 1994 йил 15 мартдаги «Ўзбекистон Республикасида мулкни давлат тасарруфидан чиқариш ва хусусийлаштириш жараёни янада ривожлантиришнинг устувор йўналишлари тўғрисида»ги ПФ-789-сонли Фармони 4-бандининг биринчи хатбошидаги «ва тадбиркорликни қўллаб-қувватлаш» деган сўзлар чиқариб ташлансин.

3. Ўзбекистон Республикаси Президентининг 1997 йил 19 декабрдаги «Савдо соҳасида монополиядан чиқаришни чуқурлаштириш тўғрисида»ги ПФ-1897-сонли Фармони 3-бандининг учинчи хатбошидаги «Ўзбекистон Республикаси Молия вазирлиги ҳузуридаги монополиядан чиқариш ва рақобатни ривожлантириш қўмитаси» деган сўзлар «Ўзбекистон Республикаси Монополиядан чиқариш, рақобат ва тадбиркорликни қўллаб-қувватлаш давлат қўмитаси» деб ўзгартирилсин.

4. Ўзбекистон Республикаси Президентининг 1999 йил 23 июлдаги «Корхоналар банкротлиги ва санацияси механизмини такомиллаштириш тўғрисида»ги ПФ-2342-сонли Фармонининг 2-банди ўз кучини йўқотган деб ҳисоблансин.

5. Ўзбекистон Республикаси Президентининг 2000 йил 31 октябрдаги «Ўзқишлоқхўжаликтаъминоттузатиш» Давлат-кооператив қўмитасини «Ўзағромаш-сервис» уюшмаси этиб ўзгартириш тўғрисида»ги ПФ-2741-сонли Фармони 2-бандининг олтинчи хатбошидаги «Ўзбекистон Республикаси Монополиядан чиқариш ва рақобатни ривожлантириш давлат қўмитасининг» деган сўзлар «Ўзбекистон Республикаси Монополиядан чиқариш, рақобат ва тадбиркорликни қўллаб-қувватлаш давлат қўмитасининг» деб ўзгартирилсин.

6. Ўзбекистон Республикаси Президентининг 2003 йил 26 февралдаги ПФ-3214-сонли Фармони билан тасдиқланган Республика ихтисослаштирилган тиббий марказини барпо этиш ва унинг фаолиятини ташкил қилиш тартиби тўғрисидаги низомнинг 9-бандидаги «Монополиядан чиқариш ва рақобатни ривожлантириш давлат қўмитаси» деган сўзлар «Монополиядан чиқариш, рақобат ва тадбиркорликни қўллаб-қувватлаш» деб ўзгартирилсин.

7. Ўзбекистон Республикаси Президентининг 2003 йил 30 августдаги «Ўзбекистон Республикаси Президентининг айрим фармонларига ўзгартиришлар киритиш тўғрисида»ги ПФ-3306-сонли Фармонининг 3-банди ўз кучини йўқотган деб ҳисоблансин.

8. Ўзбекистон Республикаси Президентининг 2003 йил 9 декабрдаги «Республика давлат бошқаруви органлари тизимини такомиллаштириш тўғрисида»ги ПФ-3358-сонли Фармони иловасида:

а) II бўлимда:

1-банддаги «ва тадбиркорликни қўллаб-қувватлаш» деган сўзлар чиқариб ташлансин;

3-банд қуйидаги таҳрирда баён этилсин:

«3. Ўзбекистон Республикаси Монополиядан чиқариш, рақобат ва тадбиркорликни қўллаб-қувватлаш давлат қўмитаси»

б) IV бўлимда:

1-банд чиқариб ташлансин;

2-3-бандлар тегишли равишда 1-2-бандлар деб ҳисоблансин.

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ФАРМОНИ

205 Тошкент тиббиёт академиясини ташкил қилиш тўғрисида

Юкори малакали тиббиёт кадрлари тайёрлашни ташкил этишни такомиллаштириш ва сифатини ошириш, ўқиш жараёнини ташкил қилишнинг замонавий талабларига мос келадиган зарур ўқув ва моддий-техника базасини яратиш, илғор таълим технологияларини кенг жорий этиш асосида ўқиш жараёнини янги мазмун билан бойитиш, бўлғуси мутахассисларнинг таълими улар томонидан аниқ даволаш амалиёти малакаларини эгаллаш билан чамбарчас боғлаб олиб борилишини таъминлаш мақсадида:

1. Ўзбекистон Республикаси Соғлиқни сақлаш вазирлиги, Олий ва ўрта махсус таълим вазирлигининг тугатилаётган Биринчи ва Иккинчи Тошкент давлат тиббиёт институтлари негизида Тошкент тиббиёт академиясини ташкил этиш тўғрисидаги таклифи қабул қилинсин.

2. Белгилансинки, Тошкент тиббиёт академияси Республикада юкори малакали тиббиёт кадрлари тайёрлайдиган етакчи ўқув муассасаси ҳисобланади.

3. Ўзбекистон Республикаси Президентининг «2005/2006 ўқув йилида Ўзбекистон Республикасининг олий таълим муассасаларига қабул тўғрисида» 2005 йил 2 июндаги ПҚ–92-сонли қарорига мувофиқ 2005/2006 ўқув йилига бакалаврлар ва магистрлар тайёрлаш бўйича Биринчи ва Иккинчи Тошкент давлат тиббиёт институтлари учун белгиланган қабул квоталари Тошкент тиббиёт академиясида сақлаб қолинсин.

4. Ўзбекистон Республикаси Соғлиқни сақлаш вазирлиги Олий ва ўрта махсус таълим вазирлиги, Вазирлар Маҳкамаси ҳузуридаги Давлат тест маркази, Тошкент тиббиёт академияси ректорати билан биргаликда илғари тасдиқланган қабул комиссиялари фаолиятининг аниқ пухта ташкил этилишини ва улар узлуксиз ишлашини, Академияга қабул қилиш чоғида тест танлови ўтказилиши ҳамда тест синовларидан муваффақиятли ўтганлар қабул қилинишини таъминласин.

Биринчи ва Иккинчи Тошкент давлат тиббиёт институтларига ҳужжат топширган ва тест синовларида муваффақиятли ўтган абитуриентлар Тошкент тиббиёт академиясининг талабалари этиб қабул қилиниши белгилаб қўйилсин.

5. Вазирлар Маҳкамаси ўн кун муддатда Тошкент тиббиёт академиясини ташкил қилиш ва унинг фаолияти билан боғлиқ барча ташкилий масалалар юзасидан қарор қабул қилсин.

Қарорда қуйидагилар назарда тутилсин:

ҳозир фаолият кўрсатаётган бешта факультет — даволаш, тиббий-педагогика, стоматология, тиббий-профилактика ҳамда «Олий ҳамширалик иши» факультетларини сақлаб қолиш;

даволаш факультети ҳамда «Олий ҳамширалик иши» факультетини тугатилган Иккинчи Тошкент давлат тиббиёт институти корпусларида, стоматология, тиббий-профилактика ва тиббий-педагогика факультетларини эса — собиқ Биринчи Тошкент давлат тиббиёт институти корпусларида жойлаштириш;

Тошкент тиббиёт академиясининг янги ташкилий тузилмаси, кафедралар, ўқув, лаборатория ҳамда ёрдамчи тузилмаларнинг сони, таркиби ва номини қайта кўриб чиқиш, уларнинг такрорланиши ва параллел ҳолда олиб борилишига барҳам беришни кўзда тутиш. Айни вақтда профессор-ўқитувчилар таркибининг умумий сони сақлаб қолинсин.

6. Ўзбекистон Республикаси Соғлиқни сақлаш вазирлиги тугатилаётган Биринчи ва Иккинчи Тошкент тиббиёт институтларининг биноси, иншоотлари ҳамда бошқа мулки ва активларини Тошкент тиббиёт академияси балансига бепул ўтказсин.

7. Мазкур Фармоннинг ижросини назорат қилиш Ўзбекистон Республикасининг Бош вазири Ш.М. Мирзиёев зиммасига юклансин.

Ўзбекистон Республикаси Президенти И. КАРИМОВ

Тошкент ш.,
2005 йил 19 июль,
ПФ-3629-сон

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ФАРМОНИ

206 Ташқи иқтисодий ва савдо алоқалари, хорижий инвестицияларни жалб этиш соҳасида бошқарув тизimini такомиллаштириш тўғрисида

Ташқи иқтисодий алоқаларни кенг ривожлантириш ва чуқурлаштириш, хорижий инвестицияларни жалб этишни фаоллаштириш ва хорижий сармоядорларга ишончли кафолатларни таъминлаш, ташқи савдони янада эркинлаштириш, мамлакатимиз товар ишлаб чиқарувчилари билан чет эл фирмалари ўртасидаги узоқ муддатли барқарор шериклик муносабатларини шакллантириш мақсадида:

1. Ўзбекистон Республикаси Ташқи иқтисодий алоқалар агентлиги Ўзбекистон Республикаси Ташқи иқтисодий алоқалар, инвестициялар ва савдо вазирлиги этиб қайта ташкил қилинсин.

2. Қуйидагилар Ташқи иқтисодий алоқалар, инвестициялар ва савдо вазирлигининг асосий вазифалари этиб белгилансин:

ташқи иқтисодий фаолият, экспортни рағбатлантириш, хорижий инвестициялар жалб этиш, ташқи савдони эркинлаштириш, ташқи савдо алоқаларини кенгайтириш ва мустаҳкамлаш соҳасида ягона давлат сиёсати ўтказилишини таъминлаш;

жаҳон товарлар (капиталлар, хизматлар) бозорларининг комплекс маркетинг тадқиқотларини амалга ошириш, ички ва ташқи бозорлар истиқболларини ҳамда самарадорлигини ҳисобга олган ҳолда уларнинг аҳолини чуқур таҳлил этиш ва ривожланишини прогноз қилиш, хорижий шериклар билан узоқ муддатли, барқарор савдо-иқтисодий муносабатларни ўрнатишга қаратилган чора-тадбирлар ишлаб чиқиш ва амалга ошириш;

иқтисодиётни ривожлантириш ва рақобатбардошлигини ошириш ҳамда унинг жаҳон иқтисодий тизимига интеграциялашуви бўйича амалий чора-тадбирлар ишлаб чиқиш ва амалга ошириш, республиканинг экспорт салоҳиятини ривожлантириш дастурларини рўёбга чиқаришга кўмаклашиш, мамлакатимиз ташқи иқтисодий фаолият субъектларининг ҳуқуқ ва манфаатларини таъминлаш;

Ўзбекистон Республикасининг хорижий давлатлар, халқаро иқтисодий ва мо-

лиявий институтлар, бошқа халқаро ҳуқуқ субъектлари билан ўзаро манфаатли асосда иқтисодий ва молиявий ҳамкорлигини ривожлантиришни таъминлаш;

кулай инвестиция муҳитини шакллантиришга ва республика иқтисодиётига хорижий инвестициялар жалб этилишига кўмаклашиш, инвестиция лойиҳалари рўёбга чиқарилиши мониторингини амалга ошириш, хорижий инвесторларга зарур ахборот ёрдами кўрсатиш.

3. Ихтисослаштирилган ташқи савдо компаниялари фаолиятини мувофиқлаштириш ҳамда улар фаолияти самарадорлигини ошириш масалалари Ташқи иқтисодий алоқалар, инвестициялар ва савдо вазирлиги зиммасига юклансин.

4. Қорақалпоғистон Республикаси Ташқи иқтисодий алоқалар агентлиги Қорақалпоғистон Республикаси Ташқи иқтисодий алоқалар, инвестициялар ва савдо вазирлиги этиб;

Агентликнинг вилоятлар ва Тошкент шаҳридаги ташқи иқтисодий алоқалар бўйича бошқармалари вилоятлар ва Тошкент шаҳридаги ташқи иқтисодий алоқалар, инвестициялар ва савдо бошқармалари этиб қайта ташкил қилинсин.

5. Белгилаб қўйилсинки, Ўзбекистон Республикаси Ташқи иқтисодий алоқалар, инвестициялар ва савдо вазирлиги, Қорақалпоғистон Республикаси Ташқи иқтисодий алоқалар, инвестициялар ва савдо вазирлиги ҳамда вилоятлар ва Тошкент шаҳридаги ҳудудий ташқи иқтисодий алоқалар, инвестициялар ва савдо бошқармалари тегишли равишда Ўзбекистон Республикаси Ташқи иқтисодий алоқалар агентлиги, Қорақалпоғистон Республикаси Ташқи иқтисодий алоқалар агентлиги ҳамда агентлик минтақавий бошқармаларининг ҳуқуқ ва мажбуриятлари бўйича ҳуқуқий ворис ҳисобланадилар.

6. Қўйидагилар:

Ўзбекистон Республикаси Вазирлар Маҳкамаси ҳузуридаги хорижий инвестициялар ва кредитлар масалалари бўйича идоралараро кенгаш;

экспорт салоҳиятини ривожлантиришни рағбатлантириш бўйича Республика кенгаши тугатилсин.

Тугатилаётган кенгашларнинг вазифалари Ўзбекистон Республикаси Ташқи иқтисодий алоқалар, инвестициялар ва савдо вазирлиги зиммасига юклансин.

7. Ўзбекистон Республикаси Президентининг 2002 йил 21 октябрдаги «Ташқи иқтисодий алоқалар соҳасида бошқарув тизимини янада эркинлаштириш ва такомиллаштириш тўғрисида»ги ПФ-3151-сонли Фармони ўз кучини йўқотган деб ҳисоблансин.

8. Ўзбекистон Республикаси Адлия вазирлиги манфаатдор идоралар билан биргаликда бир ой муддатда амалдаги қонун ҳужжатларига ушбу Фармондан келиб чиқадиган ўзгартиш ва қўшимчалар киритиш тўғрисидаги таклифларни Вазирлар Маҳкамасига тақдим этсин.

9. Ўзбекистон Республикаси Вазирлар Маҳкамаси бир ҳафта муддатда Ўзбекистон Республикаси Ташқи иқтисодий алоқалар, инвестициялар ва савдо вазирлигини ташкил этиш ҳамда унинг фаолияти масалалари бўйича ҳуқуқат қарорини қабул қилсин.

Ўзбекистон Республикаси Президенти И. КАРИМОВ

Тошкент ш.,
2005 йил 21 июль,
ПФ-3631-сон

ЎЗБЕКИСТОН RESPUBLIKACI ПРЕЗИДЕНТИНИНГ ҚАРОРИ

207 Ўзбекистон Республикаси аҳоли пунктларининг маъмурий-ҳудудий тузилишини янада такомиллаштириш чора-тадбирлари тўғрисида

«Ўзбекистон Республикасида маъмурий-ҳудудий тузилиш, топонимик объектларга ном бериш ва уларнинг номларини ўзгартириш масалаларини ҳал этиш тартиби тўғрисида»ги Ўзбекистон Республикаси Қонунининг 12-моддасига мувофиқ ҳамда БМТнинг нуфус масалалари бўйича стандартларига кўра шаҳар ва қишлоқ аҳоли пунктлари тўғри ҳисобга олинишини таъминлаш мақсадида:

1. Қорақалпоғистон Республикаси Вазирлар Кенгаши, вилоятлар ва туманлар ҳокимликлари:

икки ой муддатда Ўзбекистон Республикасининг амалдаги қонун ҳужжатларига мувофиқ шаҳарчалар тоифасига кирувчи аҳоли пунктларини рўйхатдан ўтказсин; рўйхатдан ўтказиш натижаларини ҳисобга олган ҳолда туманлар ҳокимларининг илтимосномалари асосида бир ой муддатда Қорақалпоғистон Республикаси Жўқорғи Кенгеси, халқ депутатлари вилоят Кенгашларига аҳоли сони камида 2000 киши бўлган, ўз белгиларига кўра «Ўзбекистон Республикасида маъмурий-ҳудудий тузилиш, топонимик объектларга ном бериш ва уларнинг номларини ўзгартириш масалаларини ҳал этиш тартиби тўғрисида»ги Ўзбекистон Республикаси Қонунининг 12-моддасига мос келадиган қишлоқ аҳоли пунктларини шаҳарчалар тоифасига киритиш тўғрисида илтимосномалар тақдим этсин;

ҳар йил биринчи чорақда Ўзбекистон Республикаси Давлат статистика қўмитасининг ҳудудий бўлинмалари билан биргаликда қишлоқ аҳоли пунктларини рўйхатдан ўтказсин ва зарур ҳолларда амалдаги қонун ҳужжатларига мувофиқ уларнинг мақомини ўзгартириш тўғрисида белгиланган тартибда Қорақалпоғистон Республикаси Жўқорғи Кенгеси ва халқ депутатлари вилоят Кенгашларига тегишли илтимосномалар киритсин.

2. Қорақалпоғистон Республикаси Жўқорғи Кенгеси, халқ депутатлари вилоят Кенгашларига Қорақалпоғистон Республикаси Вазирлар Кенгаши ва вилоятлар ҳокимликларининг илтимосномаларини кўриб чиқиш ҳамда юқорида кўрсатилган аҳоли пунктларининг мақомини ўзгартириш тўғрисида белгиланган тартибда тегишли қарорлар қабул қилиш тавсия этилсин.

3. Ўзбекистон Республикаси Вазирлар Маҳкамаси Қорақалпоғистон Республикаси Жўқорғи Кенгеси ва халқ депутатлари вилоят Кенгашларининг қарорларидан келиб чиққан ҳолда ва асослаб берувчи ҳужжатларни пухта ўрганиш натижаларига кўра муайян қишлоқ аҳоли пунктларини шаҳар посёлкалари тоифасига киритиш билан боғлиқ иқтисодий-ҳуқуқий масалалар бўйича қарорлар қабул қилсин.

4. Ўзбекистон Республикаси Давлат статистика қўмитаси Ўзбекистон Республикаси Вазирлар Маҳкамасининг қарорлари асосида қишлоқ ва шаҳар аҳоли пунктларининг статистика кўрсаткичларига белгиланган тартибда тегишли ўзгартишлар киритсин.

5. Белгилансинки, қишлоқ аҳоли пунктларини шаҳар посёлкалари тоифасига киритиш чоғида врачлар, провизорлар, ўрта тиббиёт ва фармацевтика ходимлари учун:

аҳоли пунктларининг мақоми ўзгартирилган кундан бошлаб 5 йил мобайнида қишлоқ жойларда амалда бўлган меҳнатга ҳақ тўлаш шартлари сақлаб қолинади; улар пенсияга чиққанида ушбу тоифадаги шахсларга уй-жой-коммунал хизмат-

лар ҳақини тўлаш бўйича ҳар ойлик компенсация пул тўловларини тайинлаш чоғида мазкур давр иш стажига қўшилади.

6. Ушбу қарорнинг ижросини назорат қилиш Ўзбекистон Республикасининг Бош вазири Ш.М. Мирзиёев зиммасига юклансин.

Ўзбекистон Республикаси Президенти И. КАРИМОВ

Тошкент ш.,
2005 йил 14 июль,
ПҚ-120-сон

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ҚАРОРИ

208 Маннон Уйғур номидаги Тошкент давлат санъат институти фаолиятини такомиллаштириш тўғрисида

Маннон Уйғур номидаги Тошкент давлат санъат институти фаолиятини тубдан яхшилаш, театр санъати, кино, телевидение, санъатшунослик ҳамда мазкур соҳанинг бошқа йўналишлари бўйича малакали мутахассислар тайёрлаш самарадорлигини ошириш, шунингдек, талабаларнинг ижодий истеъдоди ва қобилиятини ҳар томонлама тўлиқ юзага чиқариш учун зарур моддий-техник база ва шарт-шароит яратиш мақсадида:

1. Тошкент шаҳар ҳокимиятининг Тошкент шаҳар, Миробод тумани, Мироншоҳ қўчаси, 123-уй манзили бўйича барпо этилаётган бинолар комплексини Маннон Уйғур номидаги Тошкент давлат санъат институтига бепул ўтказиб бериш тўғрисидаги таклифи маъқуллансин.

2. Ўзбекистон Республикаси Давлат архитектура ва қурилиш қўмитаси, Маданият ва спорт ишлари вазирлиги, Тошкент шаҳар ҳокимияти ва ушбу объект қурилишини амалга ошираётган пудратчи ташкилотлар, санъат соҳасидаги олий ўқув юртлари ўқув-ижодий жараёнларининг ўзига хослиги ва алоҳида талабларини, институтни аудиториялар, мастер-класслар, яъни «махорат синфлари», студиялар ва бошқа зарур хоналар билан таъминлашни инobatга олган ҳолда, институт тасарруфига берилаётган бинолар комплекси ва иншоотларнинг лойиха-смета ҳужжатларига тегишли тузатиш ва қўшимчалар киритсин.

Институт тасарруфига берилаётган ўқув биносини реконструкция қилиш бўйича юқорида қайд этилган барча ишлар 2005 йилнинг 1 сентябригача якунлансин.

3. Ўзбекистон Республикаси Молия вазирлиги Маданият ва спорт ишлари вазирлиги билан биргаликда мазкур бинолар комплексини лойихалаштириш, реконструкция қилиш ва техник таълим воситалари, усқуналар, мебель, дарсликлар, ўқув-методик адабиётлар билан жиҳозлаш, институтнинг янги бинодаги фаолиятини тўлиқ таъминлаш билан боғлиқ қўшимча харажатларни қоплаш учун зарур маблағларни ажратиш бўйича барча масалаларни қўриб чиқсин ва ҳал этсин.

4. Маннон Уйғур номидаги Тошкент давлат санъат институтининг Маданият ва спорт ишлари вазирлиги тимонидан тақдим этилган, бошқарув ва хизмат кўрсатувчи ходимлари сони 253 киши, жумладан, бошқарув ходимлари 45 киши қилиб белгиланган ташкилий тузилмаси иловага мувофиқ маъқуллансин.

Ўзбекистон Республикаси Маданият ва спорт ишлари ҳамда Олий ва ўрта махсус таълим вазирликлари бир ой муддатда қўйидаги ишларни амалга оширсин:

Маннон Уйғур номидаги Тошкент давлат санъат институти тузилмасини иловага биноан тасдиқланган тузилмага мувофиқлаштирсин;

факультет деканатларини шакллантирсин, кафедралар сонини мақбул даражага келтирган ҳолда, уларнинг рўйхати ва номланишини қайтадан кўриб чиқсин;

институтнинг штатлар жадвалини белгиланган тартибда тасдиқласин;


институтнинг профессор-ўқитувчилар таркибини танлов асосида юқори малакали мутахассислар билан мустаҳкамласин.

5. Ушбу қарорнинг ижросини назорат қилиш Бош вазир ўринбосари Р. Қосимов зиммасига юклансин.

Ўзбекистон Республикаси Президенти И. КАРИМОВ

Тошкент ш.,
2005 йил 21 июль,
ПҚ-128-сон

Маннон Уйғур номидаги Тошкент давлат санъат институтининг ташкилий тузилмаси



Ходимларнинг чекланган сони — 253, жумладан, бошқарув ходимлари сони 45 киши.

УЧИНЧИ БЎЛИМ

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

209 Ўзбекистон Республикаси Вазирлар Маҳкамасининг «Банк тизимини ислоҳ қилиш чора-тадбирлари тўғрисида» 1999 йил 15 январдаги 24-сон қарорига ўзгартириш киритиш ҳақида

Ўзбекистон Республикаси Президентининг «Банк тизимини янада ислоҳ қилиш ва эркинлаштириш чора-тадбирлари тўғрисида» 2005 йил 15 апрелдаги ПҚ–56-сон қарори асосида Вазирлар Маҳкамаси қарор қилади:

Вазирлар Маҳкамасининг «Банк тизимини ислоҳ қилиш чора-тадбирлари тўғрисида» 1999 йил 15 январдаги 24-сон қарори 1-бандидан биринчи — учинчи хатбоши чиқариб ташлансин.

Ўзбекистон Республикасининг Бош вазири Ш. МИРЗИЁЕВ

Тошкент ш.,
2005 йил 9 июль,
158-сон

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

210 Ўзбекистон Республикаси Ҳукуматининг айрим қарорларига ўзгартиришлар киритиш тўғрисида

Ўзбекистон Республикаси Президентининг «Тадбиркорлик субъектларини ҳуқуқий ҳимоя қилиш тизимини янада такомиллаштириш чора-тадбирлари тўғрисида» 2005 йил 14 июндаги ПФ–3619-сон фармониға мувофиқ Вазирлар Маҳкамаси **қарор қилади:**

1. Ўзбекистон Республикаси Вазирлар Маҳкамасининг 1993 йил 19 августдаги 423-сон қарори билан тасдиқланган Вазирликлар, идоралар ва хўжалик бошқаруви органлари томонидан хорижий валютада ундириладиган божлар ставкалари, йиғимлар ва солиқ бўлмаган бошқа тўловлар тарифлари V бўлимида:

а) 1-банд қуйидаги тахрирда баён қилинсин:

«1. Хўжалик судларида кўриладиган мулк тусидаги низоларға оид ишлар бўйича, даъво қиймати:

1 млн сўмга тенг миқдоргача бўлганда	даъво қийматининг 3 фоизи миқдорида, бироқ энг кам ойлик иш ҳақидан кам бўлмаган миқдорда;
1 млн сўмдан 10 млн сўмгача тенг бўлган миқдордан юқори бўлганда	даъво қийматининг 2 фоизи миқдорида;
10 млн сўмга тенг миқдордан юқори бўлганда	даъво қийматининг 1 фоизи миқдорида»;

б) 2-банд чиқариб ташлансин.

2. Вазирлар Маҳкамасининг 1997 йил 30 январдаги 56-сон қарори (Ўзбекистон Республикаси ҚТ, 1997 й., 1-сон, 3-модда) билан тасдиқланган Ўзбекистон Республикаси Ҳукумати қарорларига киритилаётган ўзгартиришларнинг 3-банди чиқариб ташлансин.

Ўзбекистон Республикасининг Бош вазири Ш. МИРЗИЁЕВ

Тошкент ш.,
2005 йил 18 июль,
161-сон

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

211 Ўзбекистон Республикаси Президентининг «Тошкент тиббиёт академиясини ташкил этиш тўғрисида» 2005 йил 19 июлдаги ПФ–3629-сон Фармонини амалга ошириш чора-тадбирлари ҳақида

Ўзбекистон Республикаси Президентининг «Тошкент тиббиёт академиясини ташкил этиш тўғрисида» 2005 йил 19 июлдаги ПФ–3629-сон Фармонининг бажарилишини таъминлаш мақсадида Вазирлар Маҳкамаси **қарор қилади:**

1. Шавкат Иброҳимович Каримов Тошкент тиббиёт академиясининг ректори этиб тайинлансин.

2. Тошкент тиббиёт академиясини ташкил этиш ва унинг фаолияти билан боғлиқ ташкилий масалалар юзасидан Вазирлар Маҳкамасининг қарори лойиҳасини тайёрлаш бўйича иловага* мувофиқ таркибда Комиссия тузилсин.

3. Комиссия (Ф.Ф. Назиров) бир ҳафта муддатда қарор лойиҳасини ишлаб чиқсин ва тасдиқлаш учун Вазирлар Маҳкамасига киритсин, унда:

Академиянинг республикадаги юқори малакали тиббиёт кадрлари тайёрлайдиган етакчи ўқув муассасаси сифатида Академияга юкланган функциялар амалга оширилишини таъминлайдиган янги ташкилий тузилмасини шакллантиришга;

сақлаб қолинандиган бешта факультетларнинг тузилмасини шакллантиришга,

* Илова берилмайди.

кафедраларни факультетлар бўйича тақсимлашга, аъзолари кам сонли бўлган кафедралар тузилишига, уларнинг бир-бирини такрорлаши ва параллел мавжуд бўлишига йўл қўймаган ҳолда кафедралар сони, тузилмаси ва номларини белгилашга;

тугатилаётган Биринчи ва Иккинчи Тошкент давлат тиббиёт институтларининг бинолари, иншоотлари, бошқа мол-мулки ва активларини Академия балансига ўтказиш масалаларини ҳал этишга, факультетларни жойлаштиришга ҳамда Академиянинг моддий-техника ва ўқув базасини мустаҳкамлашга алоҳида эътибор берилсин.

4. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари Р.С. Қосимов зиммасига юклансин.

Ўзбекистон Республикасининг Бош вазири Ш. МИРЗИЁЕВ

Тошкент ш.,
2005 йил 21 июль,
164-сон

БЕШИНЧИ БЎЛИМ

ЎЗБЕКИСТОН РЕСПУБЛИКАСИ СОҒЛИҚНИ САҚЛАШ ВАЗИРИНИНГ
БУЙРУҒИ

212 Гиёҳвандлик воситалари ёки психотроп моддаларни нотиббий истъемол қилувчи шахсларни, гиёҳвандлик ёки заҳарвандлик билан касалланган беморларни ҳисобга олиш ва кузатиб бориш тартиби тўғрисида йўриқномани тасдиқлаш ҳақида

*Ўзбекистон Республикаси Адлия вазирлиги томонидан 2005 йил
15 июлда 1494-сон билан давлат рўйхатидан ўтказилди*

(2005 йил 25 июлдан кучга киради)

Ўзбекистон Республикасининг 1999 йил 19 августдаги «Гиёҳвандлик воситалари ва психотроп моддалар тўғрисида»ги Қонуни 35 ва 46-моддаларининг ижросини таъминлаш мақсадида **бюраман:**

1. «Гиёҳвандлик воситалари ёки психотроп моддаларни нотиббий истъемол қилувчи шахсларни, гиёҳвандлик ёки заҳарвандлик билан касалланган беморларни ҳисобга олиш ва кузатиб бориш тартиби тўғрисида»ги йўриқнома иловага асосан тасдиқлансин.

2. Ушбу Йўриқнома Адлия вазирлигида давлат рўйхатига олингандан сўнг ўн кундан кейин амалга киритилсин.

Соғлиқни сақлаш вазири Ф. НАЗИРОВ

Тошкент ш.,
2005 йил 15 июнь,
278-сон

Соғлиқни сақлаш вазирининг
2005 йил 15 июндаги 278-сонли
буйруғи билан
ТАСДИҚЛАНГАН

**Гиёҳвандлик воситалари ёки психотроп моддаларни нотиббий
истеъмол қилувчи шахсларни, гиёҳвандлик ёки заҳарвандлик
билан касалланган беморларни ҳисобга олиш ва кузатиб бориш
тартиби тўғрисидаги
ЙЎРИҚНОМА**

Ушбу Йўриқнома Ўзбекистон Республикасининг «Гиёҳвандлик воситалари ва психотроп моддалар тўғрисидаги Қонуни 35 ва 46-моддаларининг ижросини таъминлаш мақсадида ишлаб чиқилган бўлиб, гиёҳвандлик воситалари ёки психотроп моддаларни нотиббий истеъмол қилувчи шахсларни аниқлаш, кўриқдан ўтказиш ва ҳисобга олишни амалга оширишда соғлиқни сақлаш идораларининг фаолиятини белгилайди.

I. Умумий қоидалар

1. Гиёҳвандлик воситалари ёки психотроп моддаларни нотиббий истеъмол қилиб туриши тўғрисида ишончли маълумотлар бўлган шахсларни тиббий кўриқдан ўтказиш ташхис қўйиш мақсадида амалга оширилади.

2. Гиёҳвандлик воситалари ёки психотроп моддаларни нотиббий истеъмол қилувчи шахслар суриштирув, тергов органлари, суд ва соғлиқни сақлаш муассасалари томонидан давлат соғлиқни сақлаш тизимининг наркология муассасасига тиббий кўриқдан ўтказиш учун юборилдилар. Наркология марказлари, наркология диспансерлари, психоневрология муассасалари ҳузуридаги наркология хоналари (ва наркология бўлимлари) ҳамда туман марказий поликлиникалари, ҳудудий тиббиёт бирлашмалари ҳузуридаги наркология хоналари (бундан буён матнда — тиббиёт муассасалари) шундай муассасалар ҳисобланади. Кўрсатилган шахсларни ҳисобга олиш учун тиббиёт муассасаси шифокор психиатр-наркологининг «гиёҳвандлик» ёки «заҳарвандлик» ташхиси ёхуд гиёҳвандлик воситалари ёки психотроп моддаларни истеъмол қилиш далилининг аниқланганлигини тасдиқловчи ҳулосаси асос бўлади.

II. Фуқароларни тиббий кўриқдан ўтказишга юбориш асослари

3. Қуйидаги ҳолатлар фуқароларни тиббий кўриқдан ўтказишга юбориш учун асос ҳисобланади:

шахс гиёҳвандлик билан касалланган, гиёҳвандлик воситалари таъсирида маст ҳолатда ёхуд шифокор кўрсатмаси бўлмагани ҳолда гиёҳвандлик воситаси ёки психотроп модда истеъмол этган деб ҳисоблашга етарли асослар бўлса;

шахс ўз танасида гиёҳвандлик воситалари ва психотроп моддаларни олиб ўтаётир деб ҳисоблашга асослар бўлса;

фуқароларнинг илтимосига ёки уларнинг розилигига кўра, ёши ўн тўртга тўлмаган вояга етмаганларга эса — уларнинг ота-онаси ёки бошқа қонуний вакиллари-нинг илтимосига ёхуд уларнинг розилигига кўра;

ушбу банднинг иккинчи ва учинчи хатбошисида кўрсатилган шахслар тиббий кўриқдан ва текширувдан ўтказиш учун суриштирув, тергов органлари ва суднинг қарорига мувофиқ қонун ҳужжатларида белгиланган тартибда юборилади.

III. Гиёҳвандлик воситалари ёки психотроп моддаларни нотиббий истеъмол қилувчи шахсларни, гиёҳвандлик ёки заҳарвандлик билан касалланган беморларни тиббиёт муассасаларида ҳисобга олиш тартиби

4. Тиббий кўриқдан ўтказиш натижасида гиёҳвандлик воситалари ёки психотроп моддаларни нотиббий истеъмол қилиш ҳолати аниқланган тақдирда, диспансер кузатуви назорат картаси тўлдирилади ва мазкур шахс тиббиёт муассасасининг профилактика ҳисобига олинади.

5. Тиббий кўриқдан ўтказиш натижасида шахсга «гиёҳвандлик» ёки «заҳарвандлик» ташҳиси қўйилганда унга «диспансер кузатувидаги наркологик беморнинг назорат картаси» тўлдирилади.

6. Гиёҳвандлик воситалари ёки психотроп моддаларни нотиббий истеъмол қилганлик ҳолатини аниқлаш, «гиёҳвандлик» ёки «заҳарвандлик» ташҳисини қўйиш, шифокор нарколог томонидан ҳисобга олиш масаласини ҳал этиш, текширувдан ўтказиш маълумотлари мавжуд ҳаққоний материалларнинг бутун мажмуига боғлиқ бўлади; бунда текширувдан ўтказиш пайтида баданда гиёҳвандлик воситалари ёки психотроп моддалар йўқлиги, бошқа етарлича асосланган маълумотлар бўлгани тақдирда, ҳисобга олмаслик учун асос бўла олмайди.

7. Гиёҳвандлик воситалари ёки психотроп моддаларни нотиббий эпизодик истеъмол қилганлик ҳолатини аниқлаш, шифокор нарколог томонидан ҳисобга олиш масаласини ҳал этиш текширувдан ўтказиш маълумотлари ва мавжуд ҳаққоний материалларнинг бутун мажмуига боғлиқ бўлади; бунда текширувдан ўтказиш пайтида етарлича асосланган маълумотлар бўла туриб баданда гиёҳвандлик воситалари ёки психотроп моддаларни истеъмол қилиш далилининг йўқлиги профилактик ҳисобга олмаслик учун асос бўла олмайди.

8. Гиёҳвандлик воситалари ёки психотроп моддаларни нотиббий эпизодик истеъмол қилувчи гиёҳвандлик ёки заҳарвандлик билан касалланган ва айни чоғда руҳий касалликларга чалинган шахслар шифокор психиатрларнинг ва шифокор наркологларнинг ҳисобида туришлари керак. Бундай беморларни кузатиб туриш ва даволаш психоневрология муассасаларида (бўлимларида) амалга оширилади.

9. Гиёҳвандлик ёки заҳарвандлик билан касалланган беморларга ихтиёрий тиббий ёрдам, давлатнинг ёхуд хусусий мулк шаклидаги наркология муассасаларидаги шифокор-наркологлар томонидан кўрсатилади.

10. Ўзига «гиёҳвандлик» ёки «заҳарвандлик» ташҳиси қўйилганига норози бўлган шахс қўйилган ташҳиснинг асослилиги устидан юқори соғлиқни сақлаш идораларига ёки судга шикоят қилиши мумкин.

11. Тиббиёт муассасаси ҳисобидан чиқарилган шахсларнинг назорат карталарида чиқариш санаси ва сабаби кўрсатилади, карталар уларда динамик кузатув картотекасининг тегишли бўлимларида алоҳида сақланади ва статистика ҳисоботларини тузишда фойдаланилади. Календарь йил тугаганидан кейин улар тиббиёт муассасасининг архивига топширилиб, у ерда тиббий ҳужжатлар учун белгиланган умумий тартибда сақланади.

IV. Гиёҳвандлик воситалари ёки психотроп моддаларни нотиббий истеъмол қилувчи шахсларни, гиёҳвандлик ёки заҳарвандлик билан касалланган беморларни диспансер кузатуви давомида кўриқларнинг даврийлиги

12. Гиёҳвандлик воситалари ёки психотроп моддаларни нотиббий истеъмол

қилувчи шахсларни, гиёҳвандлик ёки заҳарвандлик билан касалланган беморларни кўриқдан ўтказиш, уларнинг ҳолатини назорат қилиш, динамик кузатув давомида даволаш ва тиббий профилактик ишларни олиб бориш мақсадида ўтказилади. Бунда гиёҳвандлик воситалари ёки психотроп моддаларни нотиббий истеъмол қилувчи шахсларни, гиёҳвандлик ёки заҳарвандлик билан касалланган беморларни кўриқдан ўтказиш деб, фақат бу беморлар билан уларнинг участка психиатр-нарколог шифокори, участка ҳамшираси ёки ижтимоий кўмак фельдшери билан шахсан мулоқотда бўлиши назарда тутилади.

13. Ҳар бир келувчи беморнинг бир йил ичида кўриқдан ўтиш сони беморни кузатиш учун киритилган динамик кузатиш гуруҳига ва шу билан бир қаторда касалнинг индивидуал хусусиятлари ва касалликнинг кечишига боғлиқ. Гиёҳвандлик ёки заҳарвандлик билан касалланган беморлар ушбу уч динамик гуруҳидан бирига киритилади:

I гуруҳ:

— тиббий ёрдам учун ҳаётида биринчи марта келган касаллар (диспансер кузатишга қайта олинганлар);

— ремиссияси бир йилгача бўлган беморлар.

— ремиссия бир йилдан ошганда беморлар II гуруҳга ўтказилади

II гуруҳ:

— ремиссияси бир йилдан икки йилгача бўлган беморлар

— ремиссия икки йилдан ошганда беморлар III гуруҳга ўтказилади

III гуруҳ:

— ремиссияси икки йилдан ортиқ бўлган беморлар.

I гуруҳ беморларини кузатиш давомийлиги бир ойда бир мартадан кам бўлмаслиги керак (бемор касалхонада ётмаган ҳолда), II гуруҳ — 2 ойда бир марта, III гуруҳ — 3 ойда бир марта.

Гиёҳвандлик ёки заҳарвандлик билан касалланган беморлар мажбурий даволаш учун ихтисослашган наркологик бўлимларда даволаниб чиққан касаллар ремиссияси уларнинг наркологик шифохонадан чиққан вақтидан ёки озодликдан маҳрум этиш жойларидан қайтгач янгида хисобга олинган вақтидан аниқланади.

14. Профилактик кузатув гуруҳига гиёҳвандлик воситалари ёки психотроп моддаларни нотиббий истеъмол қилиб, гиёҳвандлик ёки заҳарвандлик белгилари бўлмаган шахслар киради. Ушбу гуруҳдагиларни кузатиш давомийлиги бир ойда бир мартадан кам бўлмаслиги керак.

15. Қабул қилинган ушбу давомийлиги, ҳар бир гуруҳда уни ташкил қилувчиларни шахсларнинг индивидуал хусусиятларидан келиб чиққан ҳолда ўзгариши мумкин.

Динамик кузатиш картатекасини тузиш учун юқорида қайд этилган кўрсатмалар ҳисобга олиниши мақсадга мувофиқ.

Кузатилаётган контингентни гуруҳларга бўлиш қондасига гуруҳчалардан фойдаланиш, рангли маркировка каби ва бошқа иш олиб боришни енгиллатувчи усуллар кирмайди.

V. Гиёҳвандлик ёки заҳарвандлик билан касалланган беморларнинг номларини ошкор қилмасдан (аноним) даволашни ўтказиш тартиби

16. Гиёҳвандлик ёки заҳарвандлик билан касалланган, тиббиёт муассасасига мурожаат этган беморларга ўзларининг илтимосларига кўра номларини ошкор қил-

масдан даволаш таъминланади. Номини ошкор этмасдан даволаш амбулатория ва стационар шароитларида амалга оширилиши мумкин.

17. Номини ошкор қилмасдан амбулатория шароитида даволаниш учун тиббиёт муассасасига мурожаат этган шахслар учун қатнаб даволанувчи беморнинг тиббий картаси (шакл 025/у) очилади, бунда анкета маълумотлари шахсни тасдиқловчи бирон-бир ҳужжат асосида тўлдирилади, бироқ қатнаб даво олувчи беморнинг тиббий картасида тартиб рақами кўрсатилади. Беморнинг ёши, жинси, ижтимоий ҳолати ва у истеъмол қиладиган гиёҳвандлик воситаси ёки психотроп модданинг тури аниқлаштирилиши шарт.

18. Стационар шароитда номини ошкор қилмасдан даволаниш учун мурожаат этилганда, ётиб даволанувчи беморнинг тиббий картаси (шакл 001/у) юритилади, анкета маълумотлари эса қатнаб даволанувчи беморнинг картаси сингари тўлдирилади. Номини ошкор қилмасдан (аноним) даволанаётган бемор ҳақидаги маълумотларнинг махфийлиги сақланади.

19. Ўзбекистон Республикаси Соғлиқни сақлаш вазирлигининг мазкур фаолият тури билан шуғулланиш учун лицензиясини олган хусусий мулк шаклидаги тиббиёт муассасасига номини ошкор қилмасдан даволаниш учун мурожаат этилганда, амбулатория шароитида қатнаб даволанувчи беморнинг тиббий картаси, стационар шароитда эса — ётиб даволанувчи беморнинг тиббий картаси тўлдирилади. Анкета маълумотларини тўлдириш тартиби тиббиёт муассасаларидаги сингаридир.

20. Ҳар қандай мулк шаклидаги наркология муассасаларига номини ошкор қилмасдан даволаниш учун мурожаат этган беморлар тўғрисидаги маълумотлар «гиёҳвандлик» ва «заҳарвандлик» билан касалланган беморлар тўғрисидаги статистика маълумотларида белгиланган тартибда акс эттирилади. Ҳаётида биринчи марта «гиёҳвандлик» ёки «заҳарвандлик» ташҳиси қўйилган бемор тўғрисида статистика талони тўлдирилиб, унда анкета маълумотлари ўрнига қатнаб даволанувчи беморнинг картаси ёки касаллик тарихида акс эттирилган маълумотлар кўрсатилади.

VI. Гиёҳвандлик воситалари ёки психотроп моддаларни нотиббий истеъмол қилувчи, «гиёҳвандлик» ёки «заҳарвандлик» билан касалланган беморларни тиббиёт муассасаларида ҳисобдан чиқариш

21. Гиёҳвандлик воситалари ёки психотроп моддаларни нотиббий истеъмол қилувчи шахсларни ҳисобдан чиқариш тартиби:

гиёҳвандлик воситалари ёки психотроп моддаларни нотиббий истеъмол қилувчи шахслар ўзини тийган пайтдан эътиборан бир йил ўтгандан кейин ҳисобдан чиқариладилар;

гиёҳвандлик воситалари ёки психотроп моддаларни нотиббий истеъмол қилувчи шахс томонидан ушбу моддаларни яна истеъмол қилиш ҳолати аниқланиб, у диспансер ҳисобига олинishi муносабати билан;

гиёҳвандлик воситалари ёки психотроп моддаларни нотиббий истеъмол қилувчи шахс устидан профилактик кузатувнинг тўхтатилиши учун асос бўлиб тиббий-врачлик комиссиясининг хулосаси билан;

22. «Гиёҳвандлик» ёки «заҳарвандлик» билан касалланган беморларни тиббиёт муассасаларида ҳисобдан чиқариш тартиби:

«Гиёҳвандлик» ёки «заҳарвандлик» ташҳиси билан ҳисобда турган шахслар гиёҳвандлик воситалари ёки психотроп моддаларни истеъмол қилишдан ўзини тийган пайтдан эътиборан 3 йил ўтгандан кейин барқарор ремиссия муносабати билан

улар кузатувда турган муассасанинг тиббий-врачлик комиссиясини хулосасига мувофиқ;

ҳисобда турган шахснинг вафот этиши муносабати билан ФХДЁ ёки шаҳар, туман ИИБнинг расмий хабарномасига асосан;

содир этилган жиноят учун шахсни бир йилдан ортиқ муддатга озодликдан маҳрум этишга ҳукм қилинса.

Озодликдан маҳрум этиш жойларидан қайтгач, бемор шаҳар, туман ИИБ йўлланмаси билан қайта диспансер ҳисобига олинади;

яшаш жойини ўзгартириши, наркологик муассаса хизмати қамраб оладиган ҳудуддан ташқарига кўчиб кетиши, шунингдек бемор бошқа наркологик муассаса кузатуви остига олиниши муносабати билан. Бемор яшаш жойини ўзгартирганлиги тўғрисида туман ИИБ дан аниқ маълумот олиниши лозим;

алоҳида ҳолатларда барча қўрилган чоралар (жумладан, жойлардаги ИИБларига мурожаат қилиш)га қарамай, наркологик муассаса бир йил давомида беморни қўриқдан ўтказишни таъминлай олмаса ва шахснинг қаердалиги тўғрисида аниқ объектив маълумотларга эга бўлмаса.

23. Ушбу Йўриқнома Ўзбекистон Республикаси Бош прокуратураси ва Ички ишлар вазирлиги билан келишилган.

Келишилган:

Бош прокурор Р. ҚОДИРОВ

Тошкент ш.,
2005 йил 12 март

Ички ишлар вазири З. АЛМАТОВ

Тошкент ш.,
2005 йил 28 февраль

ЎЗБЕКИСТОН РЕСПУБЛИКАСИ ДАВЛАТ МУЛКИ ҚЎМИТАСИ ХУЗУРИДАГИ
ҚИММАТЛИ ҚОҒОЗЛАР БОЗОРИ ФАОЛИЯТИНИ МУВОФИҚЛАШТИРИШ ВА
НАЗОРАТ ҚИЛИШ МАРКАЗИ БОШ ДИРЕКТОРИНИНГ
БУЙРУҒИ

213 Қимматли қоғозлар бозорида маслаҳат бериш фаолияти тўғрисида низомни тасдиқлаш ҳақида

*Ўзбекистон Республикаси Адлия вазирлиги томонидан 2005 йил
15 июлда 1495-сон билан давлат рўйхатидан ўтказилди*

(2005 йил 25 июлдан кучга киради)

Ўзбекистон Республикаси Вазирлар Маҳкамасининг 1996 йил 30 мартдаги 126-сонли қарори билан тасдиқланган Ўзбекистон Республикаси Давлат мулки қўмитаси хузуридаги Қимматли қоғозлар бозори фаолиятини мувофиқлаштириш ва назорат қилиш маркази тўғрисидаги низомга асосан **буюраман:**

1. Қимматли қоғозлар бозорида маслаҳат бериш фаолияти тўғрисидаги низом иловага* мувофиқ тасдиқлансин.
2. Ушбу буйруқ Ўзбекистон Республикаси Адлия вазирлигида давлат рўйхати-га олинган кундан ўн кун ўтгач амалга киритилсин.

Қимматли қоғозлар бозори фаолиятини мувофиқлаштириш ва назорат қилиш маркази Бош директори М. ЮНУСМАТОВ

Тошкент ш.,
2005 йил 15 июнь,
2005-06-сон

* Илова рус тилидаги матнда берилган.

ЎЗБЕКИСТОН RESPUBLIKACISI MARKAZIЙ BANKI BOШҚARUVINING
ҚARORI**214** Ўзбекистон Республикаси банкларида кам баҳоли ва тез эскирувчи буюмларнинг бухгалтерия ҳисобини юритиш тўғрисидаги йўриқноманинг тасдиқлаш ҳақида

*Ўзбекистон Республикаси Адлия вазирлиги томонидан 2005 йил
15 июлда 1496-сон билан давлат рўйхатидан ўтказилди*

(2005 йил 25 июлдан кучга киради)

Ўзбекистон Республикасининг «Ўзбекистон Республикаси Марказий банки тўғрисида», «Банклар ва банк фаолияти тўғрисида» ва «Бухгалтерия ҳисоби тўғрисида»ги қонунларига мувофиқ Ўзбекистон Республикаси Марказий банки Бошқаруви **қарор қилади:**

1. «Ўзбекистон Республикаси банкларида кам баҳоли ва тез эскирувчи буюмларнинг бухгалтерия ҳисобини юритиш тўғрисидаги йўриқнома»нинг янги таҳрири иловага мувофиқ тасдиқлансин.

2. Мазкур қарор кучга кириши муносабати билан Ўзбекистон Республикаси Марказий банкининг 2005 йил 30 апрелдаги 8/1-сонли қарори ва 2002 йил 12 октябрдаги 520-сонли «Ўзбекистон Республикаси банкларида кам баҳоли ва тез эскирувчи буюмларнинг бухгалтерия ҳисобини юритиш тўғрисидаги йўриқнома» (2003 йил 14 январь, рўйхат рақами 1200) ўз кучини йўқотган деб ҳисоблансин.

3. Мазкур қарор Ўзбекистон Республикаси Адлия вазирлигида давлат рўйхатидан ўтказилган вақтдан бошлаб 10 кундан кейин кучга киритилсин.

Марказий банк Бошқаруви раиси Ф. МУЛЛАЖОНОВ

Тошкент ш.,
2005 йил 11 июнь,
13/5-сон

Марказий банк Бошқарувининг
2005 йил 11 июндаги 13/5-сонли қарори
билан
ТАСДИҚЛАНГАН

**Ўзбекистон Республикаси банкларида кам баҳоли ва
тез эскирувчи буюмларнинг бухгалтерия ҳисобини
юритиш тўғрисида
ЙЎРИҚНОМА
(янги таҳрирда)**

Ушбу Йўриқнома Ўзбекистон Республикасининг «Ўзбекистон Республикасининг Марказий банки тўғрисида», «Банклар ва банк фаолияти тўғрисида» ва «Бухгалтерия ҳисоби тўғрисида»ги қонунларига мувофиқ ишлаб чиқилган бўлиб, Ўзбекистон Республикаси банкларида кам баҳоли ва тез эскирувчи буюмларнинг (кейинги матнда

КБТЭБ) ҳисобини Молиявий ҳисоботларнинг халқаро стандартларига мувофиқ юритиш тартибини белгилайди.

I. Умумий қоидалар

1. Банклар КБТЭБ бухгалтерия ҳисобини юритиш бўйича талабларни амалда қўллаш учун мазкур Йўриқнома асосида ўзларининг ички тартибларини ишлаб чиқишлари зарур.

2. Мазкур Йўриқнома мақсадларида қуйидаги тушунчалардан фойдаланилади:

Кам баҳоли ва тез эскирувчи буюмлар (КБТЭБ) — бу банк фаолиятида фойдаланиладиган ва қуйидаги мезонлардан бирортасига жавоб бера оладиган моддий активлардир:

а) хизмат муддати бир йилдан ортиқ бўлмаган;

б) хизмат муддатидан қатъи назар, бир донаси (комплекти) нархи Ўзбекистон Республикасида ўрнатилган (сотиб олиш вақтидаги) энг кам иш ҳақининг эллик бараваригача қийматга эга бўлган буюмлардир.

Банк раҳбари буюмларнинг КБТЭБ таркибидаги ҳисобини олиб бориш учун ҳисобот йилига буюмлар қийматининг қуйи чегарасини ўрнатиши мумкин.

Хизмат қилиш муддати ва қийматидан қатъий назар КБТЭБ таркибига қуйидагилар киритилади:

а) махсус асбоблар ва мосламалар (айрим буюмларни туркум ва ялпи ишлаб чиқариш ёки яқка тартибдаги буюртмаларни тайёрлаш учун мўлжалланган мақсадли асбоблар ва мосламалар);

б) махсус ва санитар кийимлар, махсус пойабзаллар;

в) ётоқ жиҳозлари;

г) канцелярия жиҳозлари (калькуляторлар, стол жиҳозлари ва бошқалар);

д) ошхона ва овқатланиш хонаси инвентарлари, шунингдек овқатланиш хонаси чойшаблари;

е) қурилиш-таъмирлаш ишлари таннархига олиб бориладиган вақтинчалик қурилма ва мосламалар (титулсиз иншоотлар);

ж) фойдаланиш муддати бир йилдан кам бўлган алмашиш асбоб-ускуналари ва бошқа буюмлар;

Ҳақиқатдаги қиймат — КБТЭБ ни сотиб олиш, қайта ишлаш ва уни ҳозирги жойи ҳамда ҳолатига келтириш учун амалга оширилган бошқа жами харажатлар суммасидир;

Ҳаққоний қиймат — ўзаро алоқадор бўлмаган ва умумий шартларда битимни амалга оширишни хоҳловчи бохабар томонлар ўртасида активни алмаштириш ёки мажбуриятни қоплаш учун келишилган сумма;

Соф сотиш қиймати — оддий иш фаолияти давомидаги битим тузиш ва сотишни амалга ошириш учун зарур бўлган ва ҳисобланган харажатлар чегириб ташланган сотиш баҳосидир. Соф сотиш қиймати банк томонидан оддий ҳолларда КБТЭБ ни сотишдан олиши қутилаётган соф суммани англатади. КБТЭБнинг соф сотиш қиймати ҳаққоний қийматдан сотиш харажатлари айириб ташланган қийматидан фарқ қилиши мумкин.

II. Кам баҳоли ва тез эскирувчи буюмларни сотиб олиш ҳисоби

3. КБТЭБ қийматини олдиндан тўлаб бериш билан сотиб олиш:

1) КБТЭБ ни олдиндан тўлиқ ёки қисман тўланиши қуйидаги бухгалтерия ёзувлари билан расмийлаштирилади:

Дт 19909 «Товар-моддий қимматликлар учун тўланган маблағлар»

Кт — Банкнинг вакиллик ҳисобварағи ёки миждознинг талаб қилиб олингунча депозит ҳисобварағи (агар мол етказиб берувчининг талаб қилиб олингунча депозит ҳисобварағига шу банкда хизмат кўрсатилса)

2) КБТЭБ омборхонага сотиб олинганлигини тасдиқловчи бирламчи ҳужжатлар асосида кирим қилиниб, қуйидаги бухгалтерия ўтказмаси билан расмийлаштирилади:

Дт 19921 «Омбордаги кам баҳоли ва тез эскирувчи буюмлар ҳамда бошқа қимматликлар»

Кт 19909 «Товар-моддий қимматликлар учун тўланган маблағлар»

4. Агар тўлов КБТЭБ келиб тушгандан кейин амалга оширилса, қуйидаги бухгалтерия ўтказмаси амалга оширилади:

1) КБТЭБ келиб тушганда;

Дт 19921 «Омбордаги кам баҳоли ва тез эскирувчи буюмлар ҳамда бошқа қимматликлар»

Кт 29802 «Товар-моддий қимматликлар ва кўрсатилган хизматлар учун тўланадиган маблағлар»

2) КБТЭБ қиймати тўланганда:

Дт 29802 «Товар-моддий қимматликлар ва кўрсатилган хизматлар учун тўланадиган маблағлар»

Кт — «Банк вакиллик ҳисобварағи ёки миждознинг талаб қилиб олингунча депозит ҳисобварағи» (агар мол етказиб берувчининг талаб қилиб олингунча бўлган депозит ҳисобварағига шу банкда хизмат кўрсатилса)

5. КБТЭБ Бош банк/филиалдан филиаллар/бош банкка берилганда шу кунги банк ҳужжатларига моддий жавобгар шахсга тегишли филиал/бош банк томонидан (белгиланган тартибда) берилган талабнома ва ишончнома тикиб қўйилади ва қуйидаги бухгалтерия ўтказмаси амалга оширилади:

Дт 16104 «Бош банк/филиаллардан олинган маблағлар — Товар моддий қимматликлар»

Кт 19921 «Омбордаги кам баҳоли ва тез эскирувчи буюмлар ҳамда бошқа қимматликлар»

6. КБТЭБ Бош банкдан филиалга қабул қилинганда бошланғич ҳужжатлар (юк хатлари) асосида қуйидаги бухгалтерия ўтказмаси амалга оширилади:

Дт 19921 «Омбордаги кам баҳоли ва тез эскирувчи буюмлар ҳамда бошқа қимматликлар»

Кт 22205 «Бош банк /филиалларга тўланадиган маблағлар — Товар моддий қимматликлар»

7. Омборга қабул қилинган КБТЭБ да бирор бир номувофиқлик ёки нуқсон топилганда, юкни етказиб берган ташкилот вакиллари иштирокида далолатнома тузилади ва даъво билдирилади. Далолатноманинг учинчи нусхаси билдирилган даъво билан мол етказиб берувчига юборилади.

1) Банк даъвоси мол етказиб берувчи томонидан қабул қилинганда ёки суд томонидан тегишли қарор чиқарилганда омборга кирим қилинган КБТЭБни мол етказиб берувчига қайтариш қуйидаги бухгалтерия ўтказмаси билан амалга оширилади:

Дт 19909 «Товар-моддий қимматликлар учун тўланган маблағлар»

Кт 19921 «Омбордаги кам баҳоли ва тез эскирувчи буюмлар ҳамда бошқа қимматликлар»

2) Қайтарилган маблағларни қайта ёзув билан вакиллик ҳисобварағига ўтказиш:

Дт Банкнинг вакиллик ҳисобварағи

Кт 19909 «Товар-моддий қимматликлар учун тўланган маблағлар»

8. Банкка келаётган моддий бойликлар уларнинг сақланишига жавобгар бўлган омборхона мудир (омборчи) ёки банк бошлиғининг буйруғига асосан тайинланган бошқа ходим томонидан қабул қилинади. Жавобгар шахс — омборчи ёки бошқа ходим томонидан банкка қабул қилинаётган барча КБТЭБ бўйича рақамланган, тикилган ва бошқарувчи ҳамда бош бухгалтернинг имзоси ва банкнинг думалоқ муҳр изи билан тасдиқланган журналда алоҳида махсус тизимдан ташқари ҳисоб юритилади.

III. Кам баҳоли ва тез эскирувчи буюмларни тан олиш ва баҳолаш

9. КБТЭБ ҳақиқатдаги ёки соф сотиш қийматларидан энг кам миқдори билан баҳоланади.

10. КБТЭБ нинг ҳақиқатдаги қиймати сотиб олиш ва қайта ишлаш билан боғлиқ бўлган барча харажатлар ҳамда КБТЭБни жорий ҳолатига ва жойига келтириш мақсадида амалга оширилган бошқа харажатлардан иборатдир.

11. КБТЭБни сотиб олиш харажатлари харид нархи, импорт божлари ва бошқа тўловлар (кейинчалик банкка қайтариладиганларидан ташқари) ташиш, қайта ишлаш ва сотиб олиш билан бевосита боғлиқ бўлган бошқа харажатлардан иборат бўлади. Савдо чегирмалари, қоплаб беришлар ва бошқа шунга ўхшаш харажатлар сотиб олиш харажатларини аниқлаётганда чиқариб ташланади (1-илова).

12. Бошқа харажатлар КБТЭБнинг ҳақиқатдаги қийматига уларни жорий ҳолат ва жойига келтириш билан боғлиқ бўлган қисмигина қўшилади.

13. КБТЭБнинг қийматига қўшилмасдан давр харажатлари сифатида харажат қилинган вақтда тан олинувчи харажатларга қўйидагилар мисол бўлади:

а) сақлаш харажатлари;

б) КБТЭБни жорий ҳолатига ва жойига келтириш билан боғлиқ бўлмаган маъмурий харажатлар;

в) сотиш харажатлари.

14. Агар КБТЭБни сотиб олиш бўйича шартномада молиялаштириш элементи ишлатилган бўлса, масалан, оддий ҳолдаги сотиб олиш шартларидаги тўланадиган баҳо билан тўланган баҳо ўртасидаги фарқ бутун харидни молиялаштириш давомида фойзли харажатлар сифатида тан олинади.

Қийматни аниқлаш формуласи

15. Бир хил бўлмаган ва махсус мақсадлар учун ажратилган (масалан, янги дастурий воситани жорий этиш учун олинган ускуналар) КБТЭБнинг ҳақиқатдаги қиймати аниқ харажатларнинг алоҳида қийматларини махсус аниқлаш орқали ўрнатилади.

16. Қийматларни махсус аниқлаш — бу маълум турдаги КБТЭБ қийматига аниқ харажатларни олиб боришдир. Бу усул махсус мақсадлар учун алоҳида ажратилган моддаларга нисбатан талаб этилади. Агарда одатда бир хил нархли КБТЭБнинг катта миқдори мавжуд бўлса, махсус баҳолаш талаб этилмайди. Бундай ҳолларда олдиндан фойда ёки зарарга таъсирни аниқлаш учун КБТЭБга тегишли бўлган моддаларни ажратиш олиш усулидан фойдаланиш мумкин.

17. Мазкур Низомнинг 15-бандида таърифланган КБТЭБдан бошқаларининг ҳақиқатдаги қиймати «биринчи келиш — биринчи кетиш» принципи (ФИФО) ёки

ўртача тортилган қиймат формуласи ёрдамида аниқланади. Банк бир хил тавсифга эга бўлган ва банк томонидан бир хил мақсадда ишлатиладиган КБТЭБ бўйича бир хил қиймат формуласидан фойдаланади. Банк бошқа хил тавсифга эга бўлган ва банк томонидан бошқа мақсадда ишлатиладиган КБТЭБ бўйича бошқа қийматни аниқлаш формуласидан фойдаланиши ҳам мумкин.

18. ФИФО усулида биринчи бўлиб сотиб олинган КБТЭБ биринчи бўлиб ишлатилади ва ўз навбатида давр охирида товар моддий захираларда қолган КБТЭБ қолдиғи кейинги харид нархи билан ҳисобга олинади (2-илова). Ўртача тортилган қиймат формуласидан фойдаланилганда ҳар бир объектнинг қиймати худди шундай объектларнинг давр бошидаги ва давр мобайнида сотиб олинган ўртача тортилган қийматига тенг. Ўртача қиймат банкдаги шароитдан келиб чиқиб даврий равишда ёки ҳар бир қўшимча КБТЭБлар сотиб олинганда ҳисобланиши мумкин.

Соф сотиш қиймати

19. КБТЭБнинг ҳақиқатдаги қиймати агар улар шикастланган ёки уларнинг сотиш нархи пасайганда қопланмаслиги мумкин. Банклар бундай зарарлар миқдорини КБТЭБни соф сотиш қийматини баҳолаш орқали аниқлайдилар.

20. КБТЭБнинг баҳоланган соф сотиш қиймати мазкур баҳолашни амалга ошириш давридаги энг ишончли фактларга ва сотилиши кутилаётган КБТЭБ ни тасдиқланган қийматига асосланган бўлади. Бу баҳолаш бевосита ҳисобот санасидан кейин рўй берган воқеалар билан боғлиқ нарх ўзгаришларини, ҳисобот санасига мавжуд бўлган шартлар тасдиқланган даражада ҳисобга олади.

21. Банклар бухгалтерия ҳисобида ҳар қандай зарар ёки КБТЭБни қийматини соф сотиш қийматигача камайтириш бўйича харажатларни, зарар ёки қиймат камайиши рўй бераётган ҳар бир ҳисобот даврида акс эттиришлари шарт. Банклар ҳар бир КБТЭБни соф сотиш қийматигача ҳисобдан чиқариш бўйича тизимдан ташқари ҳисоб юритишлари шарт. Тизимдан ташқари ҳисоб юритишда соф сотиш қийматигача ҳисобдан чиқариш ҳар бир КБТЭБ бўйича алоҳида юритилади. Баъзи ҳолатларда агар ҳисобга олинаётган КБТЭБ оғирлиги ёки бошқа шу каби кўрсаткичлари бўйича бир хил бўлса, уларнинг ҳисоби шу кўрсаткичлар бўйича гуруҳлаштириш орқали алоҳида карточкаларда юритилиши мумкин.

22. Ҳар бир кейинги даврда соф сотиш қийматини янгидан баҳолаш амалга оширилади ва зарур бўлса қўшимча ҳисобдан чиқаришлар амалга оширилади. Шундай қилиб, янги баланс қиймати ҳақиқатдаги қиймат ва қайта кўриб чиқилган соф сотиш қийматининг энг кичигига тенгдир. Банклар КБТЭБ соф сотиш қийматигача ҳисобдан чиқаришни қуйидаги бухгалтерия ўтказмаси билан амалга оширадilar:

ДТ 56895 «Бошқа активлар бўйича кўрилиши мумкин бўлган зарарларни баҳолаш»

Кт 19921 «Омбордаги кам баҳоли ва тез эскирувчи буюмлар ҳамда бошқа қимматликлар»

23. КБТЭБ омбордан ишлатиш учун берилганда шу сана учун харажат сифатида тан олинади. Агар КБТЭБ чиқиб кетаётган бўлса, унга мос даромад тан олинган санада тегишли харажат ҳам тан олинади. КБТЭБни соф сотиш қийматигача ҳисобдан чиқариш ва КБТЭБ бўйича кўрилган зарарлар, ҳисобдан чиқариш амалга оширилган ёки зарар кўрилган даврда давр харажати сифатида тан олинади.

24. Баъзи бир КБТЭБ, масалан, банк ҳисобидан қурилаётган асосий восита ҳисобига қўшиладиган КБТЭБ бошқа активлар ҳисобига ўтказилиши мумкин. Бош-

қа актив таркибига бундай йўл билан қўшилган КБТЭБ активнинг фойдали ишлатилиш даври мобайнида харажат сифатида тан олиб борилади.

IV. КБТЭБни ҳисобдан чиқариш ҳисобини юритиш тартиби

25. Омбордан КБТЭБ қуйидаги ҳолларда ҳисобдан чиқарилади:

- 1) фойдаланишга берилганда;
- 2) сотилганда;
- 3) бепул (текинга) берилганда;
- 4) камомад аниқланганда ва фойдаланиш учун яроқсиз бўлганда;
- 5) форс-мажор ҳолатларда.

26. КБТЭБни фойдаланишга бериш қуйидаги бухгалтерия ўтказмаси билан расмийлаштирилади:

Дт 56406 «Девонхона, офис ва бошқа буюмлар харажатлари»

Кт 19921 «Омбордаги кам баҳоли ва тез эскирувчи буюмлар ҳамда бошқа қимматликлар»

Бунда фойдаланиш (эксплуатация)даги ва омбордаги КБТЭБнинг сақланиши устидан назорат ва уларнинг ҳисоби тизимдан ташқари журналларда (журналлар номерланган, тикилган ва банкнинг раҳбари, бош бухгалтери имзоси ва думалок муҳрининг изи билан тасдиқланган бўлиши шарт) амалга оширилади. Тизимдан ташқари ҳисоб кунлик равишда олиб борилади ва КБТЭБни мос бандлари қолдиғини кўрсатган ҳолда ҳар бир ҳисобот санасига тузилади.

27. Банк ортиқча КБТЭБни сотганда (КБТЭБ шартномада келишилган нархларда сотилади) қуйидаги бухгалтерия ўтказмалари амалга оширилади:

- 1) КБТЭБни сотиш суммасига:

Дт Банкнинг вакиллик ҳисобварағи ёки сотиб олувчининг талаб қилиб олинган депозит ҳисобварағи, агар сотиб олувчига шу банкда хизмат кўрсатилса.

Кт 29802 «Товар-моддий қимматликлар ва кўрсатилган хизматлар учун тўланадиган маблағлар»

- 2) КБТЭБ банк учун фойда ёки зарарсиз сотилганда:

Дт 29802 «Товар-моддий қимматликлар ва кўрсатилган хизматлар учун тўланадиган маблағлар» *соф тушум суммасига**

Кт 19921 «Омбордаги кам баҳоли ва тез эскирувчи буюмлар ҳамда бошқа қимматликлар»

- 3) КБТЭБ фойда билан сотилганда:

Дт 29802 «Кўрсатилган хизматлар ва моддий товар қимматликлари учун тўланадиган маблағлар» — *соф тушум суммасига*

Кт 19921 «Омбордаги кам баҳоли ва тез эскирувчи буюмлар ҳамда бошқа қимматликлар»

Кт 45913 «Банкнинг бошқа хусусий мулкларини сотиш ёки диспозиция қилишдан олинган фойда» — «соф тушум» ва баланс қиймати ўртасидаги фарқ суммасига

- 4) КБТЭБ зарар билан сотилганда:

Дт 29802 «Кўрсатилган хизматлар ва моддий товар қимматликлари учун тўланадиган маблағлар» — *соф тушум суммасига*

Дт 55906 «Банкнинг бошқа хусусий мулкларини сотиш ёки диспозиция қилишдан кўрилган зарарлар» — «соф тушум» ва баланс қиймати ўртасидаги фарқ суммасига

* бу ерда, соф тушум дейилганда шартнома баҳосидан қўшилган қиймат солиғи ва акцизларни айириб ташлагандан кейинги сумма назарда тутилади.

Кт 19921 «Омбордаги кам баҳоли ва тез эскирувчи буюмлар ҳамда бошқа қимматликлар»

28. Камомад чиққан, яроқсиз ҳолга келган (айбдор шахслар аниқланмаган ҳолда), текинга берилган, шунингдек, форс-мажор ҳолатларда КБТЭБнинг қиймати, банк томонидан белгиланган тартибда, зарарга чиқарилади ва қуйидаги бухгалтерия ёзуви билан расмийлаштирилади:

Дт 56795 «Бошқа операцион харажатлари»

Кт 19921 «Омбордаги кам баҳоли ва тез эскирувчи буюмлар ҳамда бошқа қимматликлар»

V. КБТЭБни инвентаризация қилиш

29. Фойдаланилаётган ва омбордаги КБТЭБ бўйича, уларнинг сақланиши ва ҳақиқатда мавжудлиги устидан назоратни таъминлаш учун йилда камида бир марта инвентаризация ўтказилади. Инвентаризация ўтказиш тартиби банк раҳбарияти томонидан белгиланади.

30. Моддий бойликлар камомади аниқланган ҳолда, уларнинг қиймати айбдор ва моддий-жавобгар шахслардан қонунчиликда ўрнатилган тартибда ундириб олинади. Етказилган зарарлар миқдорини банк ходимининг етказган зарари учун унинг моддий жавобгарлиги доираси ва тартибини аниқлаш Ўзбекистон Республикаси Меҳнат кодекси билан тартибга солинади.

31. КБТЭБнинг камомади, шунингдек, айбдор шахс айби билан яроқсиз ҳолга келган (айбдор шахс аниқланганда) КБТЭБнинг қиймати инвентаризация комиссиясининг бошлиғи ва аъзолари, моддий жавобгар шахс (омбор мудири) томонидан имзоланган акт билан расмийлаштирилади ва моддий-жавобгар шахслардан белгиланган тартибда ундириб олинади ҳамда қуйидаги бухгалтерия ёзуви орқали расмийлаштирилади:

Дт 19908 «Банк ходимлари билан бўладиган ҳисоб-китобларда ундириб олинishi лозим бўлган маблағлар»

Кт 19921 «Омбордаги кам баҳоли ва тез эскирувчи буюмлар ҳамда бошқа қимматликлар»

Айбдор ходимларнинг иш ҳақидан ундириб олинганда қуйидаги бухгалтерия ўтказмаси амалга оширилади:

Дт 29803 «Банк ходимлари билан ҳисоб-китоблардаги тўланиши лозим бўлган маблағлар»

Кт 19908 «Банк ходимлари билан бўладиган ҳисоб-китобларда ундириб олинishi лозим бўлган маблағлар»

Белгиланган тартибда банк ходимдан касса орқали ундириб олинганда:

Дт 10101 «Амалиёт (операцион) кассадаги нақд пуллар»

Кт 19908 «Банк ходимлари билан бўладиган ҳисоб-китобларда ундириб олинishi лозим бўлган маблағлар»

32. Агар инвентаризация пайтида омборда ҳисобда бўлмаган буюмлар аниқланса, улар инвентаризация комиссияси томонидан бозор нархида баҳоланиб, белгиланган тартибда омборга кирим қилинади. Бунда қуйидаги бухгалтерия ўтказмаси амалга оширилади:

Дт 19921 «Омбордаги кам баҳоли ва тез эскирувчи буюмлар ҳамда бошқа қимматликлар»

Кт 45994 «Бошқа фоизсиз даромадлар»

33. Омбор мудири (омборчи) ишдан бўшаши, бошқа ишга ўтказилиши, меҳнат

таътилига кетиши ёки беморлиги туфайли алмаштирилган тақдирда, банк раҳбарининг буйруғи билан ходимлар таркибидаги ҳайъат томонидан топширувчи ва қабул қилувчи ходимлар иштирокида омборда тўлиқ инвентаризация ўтказилади ҳамда мажбурий равишда қабул қилиш-топшириш далолатномаси тузилади.

VI. Ошкор этиш

34. Молиявий ҳисобот қуйдагиларни ошкор этиши керак:

- 1) КБТЭБни баҳолаш учун қабул қилинган ҳисоб сиёсати, жумладан, фойдаланилган қиймат формуласини;
- 2) КБТЭБ жами баланс қийматини;
- 3) давр мобайнида харажат сифатида тан олинган КБТЭБ суммасини;
- 4) давр мобайнида харажат сифатида тан олинган КБТЭБни ҳисобдан чиқариш суммасини;
- 5) мажбуриятлар таъминоти сифатида гаровга қўйилган КБТЭБнинг баланс қийматини.

Ўзбекистон Республикаси банкларида кам
баҳоли ва тез эскирувчи буюмларнинг
бухгалтерия ҳисобини юритиш тўғрисидаги
йўриқномага
1-ИЛОВА

Сотиб олиш харажатлари

Банк Б 200 канцелярия папкаларини 2.500 сўмдан жами 500.000 сўмга сотиб олди. Транспорт харажатлари 5.000 сўмга тенг бўлган. Бундан ташқари, сотувчи умумий суммадан 3% чегирма берган.

Қиймат $200 \times 2.500 \text{ сўм} = 500.000 \text{ сўм}$

Чегирма $500.000 \times 3\% = 15.000 \text{ сўм}$

Траспорт харажатлари 5.000 сўм

$500.000 \text{ сўм} - 15.000 \text{ сўм} + 5.000 \text{ сўм} = 490.000 \text{ сўм}$

Натижада, банк 200 папкани ўзида 490.000 сўмга акс эттиради.

Дт	19921 «Омбордаги кам баҳоли ва тез эскирувчи буюмлар ҳамда бошқа қимматликлар»	490.000
Кт	10301 «Марказий банкдаги вакиллик ҳисобварағи — Ностро»	490.000

Ўзбекистон Республикаси банкларида кам
баҳоли ва тез эскирувчи буюмларнинг
бухгалтерия ҳисобини юритиш тўғрисидаги
йўриқномага
2-ИЛОВА

КБТЭБни сотиб олиш ва ҳисобдан чиқариш ҳисоби

КБТЭБни ҳисобини юритишда банк ФИФО усулидан фойдаланади.
Масалан, Банк А 2002 йил 1 октябрда 5 кг қоғозни килограммини 1500 сўмдан
сотиб олди.

1)

Дт	19909 «Товар-моддий қимматликлар учун тўланган маблағлар»	7.500
Кт	10301 «Марказий банкдаги вакиллик ҳисобварағи — Ностро»	7.500

2)

Дт	19921 «Омбордаги кам баҳоли ва тез эскирувчи буюмлар ҳамда бошқа қимматликлар»	7.500
Кт	19909 «Товар-моддий қимматликлар учун тўланган маблағлар»	7.500

9 октябрда Банк А яна 5 кг қоғоз сотиб олди, лекин нархи 1 кг 1.550 сўм.

1)

Дт	19909 «Товар-моддий қимматликлар учун тўланган маблағлар»	7.750
Кт	10301 «Марказий банкдаги вакиллик ҳисобварағи — Ностро»	7.750

2)

Дт	19921 «Омбордаги кам баҳоли ва тез эскирувчи буюмлар ҳамда бошқа қимматликлар»	7.750
Кт	19909 «Товар-моддий қимматликлар учун тўланган маблағлар»	7.750

19 октябрда Банк А яна 4 кг қоғоз сотиб олди, лекин нархи 1 кг 1.450 сўм.

1)

Дт	19909 «Товар-моддий қимматликлар учун тўланган маблағлар»	5.800
Кт	10301 «Марказий банкдаги вакиллик ҳисобварағи — Ностро»	5.800

2)

Дт	19921 «Омбордаги кам баҳоли ва тез эскирувчи буюмлар ҳамда бошқа қимматликлар»	5.800
Кт	19909 «Товар-моддий қимматликлар учун тўланган маблағлар»	5.800

21 октябрда Банк А 4 кг қоғозни ишлатди (бунда ҳисобдан дастлаб 1 кг
1.500 сўмдан сотиб олинган қоғозлар чиқарилади).

Дт	56406 «Девонхона, офис ва бошқа буюмлар харажатлари»	6.000
----	--	-------

23 октябрда Банк А яна 2 кг қоғоз ишлатди (бунда ҳисобдан омборда дастлаб
1кг 1.500 сўмдан сотиб олинган қоғоз ва кейин 1 кг 1.550 сўмдан сотиб олинган
қоғоз ҳисобдан чиқарилади).

Дт	56406 «Девонхона, офис ва бошқа буюмлар харажатлари»	3.050
Кт	19921 «Омбордаги кам баҳоли ва тез эскирувчи буюмлар ҳамда бошқа қимматликлар»	3.050

26 октябрда Банк А яна 2 кг қоғозни ишлатди (бунда биринчи келиш тамойилига кўра, омборда қолган 1 кг 1.550 сўмдан сотиб олинган 2 кг қоғоз ҳисобдан чиқарилади).

Дт	56406 «Девонхона, офис ва бошқа буюмлар харажатлари»	3.050
Кт	19921 «Омбордаги кам баҳоли ва тез эскирувчи буюмлар ҳамда бошқа қимматликлар»	3.050

Ушбу амалиётлар натижасида «биринчи келиш — биринчи кетиш» услубини қўллаш натижасида омбордаги КБТЭБ қуйидаги тарзда ўзгарди:

Сана	Харид			Ишлатиш			Қолдиқ		
	1 кг нархи	кг	сумма	1 кг нархи	кг	Ҳисобдан чиқариш суммаси	1 кг нархи	кг	сумма
01.10.02	1.500	5	7.500						
09.10.02	1.550	5	7.750						
19.10.02	1.450	4	5.800						
21.10.02				1.500	4	6.000			
23.10.02				1.500	1	1.500			
				1.550	1	1.550			
26.10.02				1.550	2	3.100	1.550	2	3.100
							1.450	4	5.800

ЎЗБЕКИСТОН РЕСПУБЛИКАСИ МАРКАЗИЙ БАНКИ БОШҚАРУВИНИНГ
ҚАРОРИ

215 Очiq валюта мавқеини юритиш қоидаларининг янги таҳририни тасдиқлаш тўғрисида

Ўзбекистон Республикаси Адлия вазирлиги томонидан 2005 йил 15 июлда 1497-сон билан давлат рўйхатидан ўтказилди

(2005 йил 1 августдан кучга киради)

Ўзбекистон Республикасининг «Ўзбекистон Республикаси Марказий банки тўғрисида», «Банклар ва банк фаолияти тўғрисида» ва «Валютани тартибга солиш тўғрисида» (янги таҳрирда)ги қонунларига асосан Ўзбекистон Республикаси Марказий банки Бошқаруви **қарор қилади:**

1. Очiq валюта мавқеини юритиш қоидаларининг янги таҳрири иловага* мувофиқ тасдиқлансин.

2. Қуйидагилар ўз кучини йўқотган деб ҳисоблансин:

Ўзбекистон Республикаси Марказий банки Бошқарувининг «Очiq валюта мавқеини юритиш қоидаларини тасдиқлаш тўғрисида» 1998 йил 28 мартдаги 392-сонли қарори (1998 йил 3 август, рўйхат рақами 466);

* Илова рус тилидаги матнда берилган.

Ўзбекистон Республикаси Марказий банки Бошқарувининг «Очиқ валюта маъкеини юритиш қондаларига 1-сон ўзгартириш киритиш тўғрисида»ги 2000 йил 24 июндаги 392-1-сонли қарори (2000 йил 11 август, рўйхат рақами 466-1).

3. Мазкур қарор 2005 йил 1 августдан қучга киритилсин.

Марказий банк Бошқаруви раиси Ф. МУЛЛАЖОНОВ

Тошкент ш.,
2005 йил 28 май,
610-сон

ЎЗБЕКИСТОН РЕСПУБЛИКАСИ ДАВЛАТ БОЖХОНА ҚЎМИТАСИ
«ЎЗБЕКИСТОН ТЕМИР ЙЎЛЛАРИ» ДАК
ЎЗБЕКИСТОН РЕСПУБЛИКАСИ МОЛИЯ ВАЗИРЛИГИ
ЎЗБЕКИСТОН РЕСПУБЛИКАСИ МАРКАЗИЙ БАНКИ БОШҚАРУВИНИНГ
ҚАРОРИ

216 Темир йўл транспорти йўловчиларининг қўл юкини, багажини, валютасини ва валюта бойликларини божхона назоратидан ўтказиш ва расмийлаштириш тартибига ўзгартириш ва қўшимчалар киритиш ҳақида

Ўзбекистон Республикаси Адлия вазирлиги томонидан 2005 йил 15 июлда 619-1-сон билан давлат рўйхатидан ўтказилди

(2005 йил 25 июлдан қучга киради)

Ўзбекистон Республикасининг «Валютани тартибга солиш тўғрисида»ги (янги таҳрири) Қонунига мувофиқ Ўзбекистон Республикаси Давлат божхона қўмитаси, «Ўзбекистон темир йўллари» ДАК, Молия вазирлиги ва Марказий банки Бошқаруви **қарор қилади:**

1. Темир йўл транспорти йўловчиларининг қўл юкини, багажини, валютасини ва валюта бойликларини божхона назоратидан ўтказиш ва расмийлаштириш тартибига (1999 йил 5 февраль, рўйхат рақами 619 — Меъёрий ҳужжатлар ахборотномаси, 1999 йил, 3-сон) иловага* мувофиқ қўшимча ва ўзгартиришлар киритилсин.

2. Мазкур қарор Ўзбекистон Республикаси Адлия вазирлигида давлат рўйхатига олинган кундан бошлаб ўн кун ўтгандан кейин қучга киритилсин.

Давлат божхона қўмитаси раиси Б. МАТЛЮБОВ

Тошкент ш.,
2005 йил 7 июль,
01-02/12-17-сон

* Илова рус тилидаги матнда берилган.

«Ўзбекистон темир йўллари» ДАК раиси А. РАМАТОВ

Тошкент ш.,
2005 йил 7 июль,
42-сон

Молия вазири С. РАҲИМОВ

Тошкент ш.,
2005 йил 7 июль,
64-сон

Марказий банк Бошқаруви раиси Ф. МУЛЛАЖОНОВ

Тошкент ш.,
2005 йил 7 июль,
120-В-1-сон

ЎЗБЕКИСТОН РЕСПУБЛИКАСИ МАРКАЗИЙ БАНКИ БОШҚАРУВИНИНГ
ҚАРОРИ

217 Тижорат банклари томонидан Марказий банкда мажбурий захираларни депонентлаш тартиби тўғрисидаги низомга ўзгартириш ва қўшимчалар киритиш ҳақида

Ўзбекистон Республикаси Адлия вазирлиги томонидан 2005 йил 16 июлда 1444-1-сон билан давлат рўйхатидан ўтказилди

(2005 йил 26 июлдан кучга киради)

Ўзбекистон Республикасининг «Ўзбекистон Республикаси Марказий банки тўғрисида»ги Қонунининг 7 ва 28-моддаларига мувофиқ Ўзбекистон Республикаси Марказий банки Бошқаруви **қарор қилади:**

1. «Тижорат банклари томонидан Марказий банкда мажбурий захираларни депонентлаш тартиби тўғрисида»ги низомга (2005 йил 18 январь, рўйхат рақами 1444) иловага* мувофиқ қўшимча ва ўзгартиришлар киритилсин.

2. Мазкур қарор Ўзбекистон Республикаси Адлия вазирлигида давлат рўйхатидан ўтказилган кундан бошлаб ўн кун ўтгандан кейин кучга киритилсин.

Марказий банк Бошқаруви раиси Ф. МУЛЛАЖОНОВ

Тошкент ш.,
2005 йил 11 июнь,
13/7-сон

* Илова рус тилидаги матнда берилган.

ЎЗБЕКИСТОН RESPУБЛИКАСИ МЕХНАТ ВА АҲОЛИНИ ИЖТИМОЙ
МУҲОФАЗА ҚИЛИШ ВАЗИРЛИГИ
ЎЗБЕКИСТОН RESPУБЛИКАСИ МУДОФАА ВАЗИРЛИГИ
ЎЗБЕКИСТОН RESPУБЛИКАСИ ИЧКИ ИШЛАР ВАЗИРЛИГИ
ЎЗБЕКИСТОН RESPУБЛИКАСИ МИЛЛИЙ ХАВФСИЗЛИК ХИЗМАТИНИНГ
ҚАРОРИ

218 Ишловчи пенсионерларга пенсия тўлаш тартибга ўзгартириш ва қўшимчалар киритиш ҳақида

*Ўзбекистон Республикаси Адлия вазирлиги томонидан 2005 йил
20 июлда 198-1-сон билан давлат рўйхатидан ўтказилди*

(2005 йил 30 июлдан кучга киради)

Ўзбекистон Республикаси Вазирлар Маҳкамасининг 2004 йил 21 октябрдаги «Бюджетдан ташқари Пенсия жамғармасини бошқаришни янада такомиллаштириш тўғрисида»ги 490-сон қарори, Ўзбекистон Республикаси Президентининг 1998 йил 22 апрелдаги ПФ-1990-сонли (Ўзбекистон Республикаси Олий Мажлиси Ахборотномаси 1998 й., 4-сон, 65-модда), 1999 йил 17 мартдаги ПФ-2246-сонли (Ўзбекистон Республикаси Олий Мажлиси Ахборотномаси 1998 й., 3-сон, 72-модда) ва 2004 йил 7 декабрдаги ПФ-3521-сонли (Ўзбекистон Республикаси Қонун ҳужжатлари тўплами, 2004 й., 48-49-сон, 493-модда) фармонлари ижросини таъминлаш мақсадида **қарор қиламиз:**

1. Ўзбекистон Республикаси Ижтимоий таъминот вазирлиги, Мудофаа вазирлиги, Миллий хавфсизлик хизмати, Вазирлар Маҳкамаси ҳузуридаги Пенсия жамғармаси, Ички ишлар вазирлиги томонидан тасдиқланган ва Молия вазирлиги билан келишилган «Ишловчи пенсионерларга пенсия тўлаш тўғрисидаги тартиб»га (1995 йил 19 декабрь, рўйхат рақами 198) иловага* мувофиқ ўзгартириш ва қўшимчалар киритилсин.

2. Ушбу қарор Ўзбекистон Республикаси Адлия вазирлигида давлат рўйхатидан ўтгандан сўнг ўн кундан кейин кучга киради.

Мехнат ва аҳолини ижтимоий муҳофаза қилиш вазири О. ОБИДОВ

Тошкент ш.,
2005 йил 6 июль,
103-сон

Мудофаа вазири Қ. ҒУЛОМОВ

Тошкент ш.,
2005 йил 6 июль,
361-сон

* Илова рус тилидаги матнда берилган.

Ички ишлар вазири З. АЛМАТОВ

Тошкент ш.,
2005 йил 6 июль,
3/3-413а-сон

Миллий хавфсизлик хизмати раиси Р. ИНОЯТОВ

Тошкент ш.,
2005 йил 6 июль,
80-сон

ЎЗБЕКИСТОН РЕСПУБЛИКАСИ МАРКАЗИЙ БАНКИ БОШҚАРУВИНИНГ
ҚАРОРИ

219 «Ўзбекистон Республикаси тижорат банкларида бухгалтерия ҳисоби ҳисобварақлари режаси»га ўзгартириш ва қўшимчалар киритиш тўғрисида

*Ўзбекистон Республикаси Адлия вазирлиги томонидан 2005 йил
20 июлда 773-19-сон билан давлат рўйхатидан ўтказилди*

(2005 йил 30 июлдан кучга киради)

Ўзбекистон Республикасининг «Ўзбекистон Республикасининг Марказий банки тўғрисида»ги Қонунининг 7 ва 51-моддаларига асосан Ўзбекистон Республикаси Марказий банк Бошқаруви **қарор қилади:**

1. Ўзбекистон Республикаси Марказий банки Бошқарувининг 2004 йил 17 июлдаги 15/3-сонли қарори билан тасдиқланган (2004 йил 13 август, рўйхат рақами 773-17 — Ўзбекистон Республикаси Қонун ҳужжатлар тўплами, 2004 йил, 32-сон, 369-модда) «Ўзбекистон Республикаси тижорат банкларида бухгалтерия ҳисоби ҳисобварақлари режаси»га иловага* мувофиқ ўзгартириш ва қўшимчалар киритилсин.

2. Мазкур қарор Ўзбекистон Республикаси Адлия вазирлигида давлат рўйхатидан ўтказилган вақтдан бошлаб ўн кундан сўнг кучга киради.

3. Ушбу қарорнинг ижросини назорат қилиш Марказий банк раисининг ўринбосари А.Қ. Қодиров зиммасига юклатилсин.

Марказий банк Бошқаруви раиси Ф. МУЛЛАЖОНОВ

Тошкент ш.,
2005 йил 25 июнь,
14/4-сон

* Илова рус тилидаги матнда берилган.

ЎЗБЕКИСТОН РЕСПУБЛИКАСИ МАРКАЗИЙ БАНКИ БОШҚАРУВИНИНГ
ҚАРОРИ**220** **Банкларни рўйхатга олиш ва лицензиялаш тартиби тўғрисидаги низомга ўзгартиришлар киритиш ҳақида**

*Ўзбекистон Республикаси Адлия вазирлиги томонидан 2005 йил
21 июлда 630-9-сон билан давлат рўйхатидан ўтказилди*

(2005 йил 31 июлдан кучга киради)

Ўзбекистон Республикасининг «Ўзбекистон Республикаси Марказий банки тўғрисида»ги Қонунининг 7 ва 17-моддаларига, Ўзбекистон Республикаси Президентининг 2005 йил 15 апрелдаги ПҚ–56-сонли «Банк тизимини янада ислоҳ қилиш ва эркинлаштириш чора-тадбирлари тўғрисида»ги қарорининг 3-бандига ҳамда Ўзбекистон Республикаси Президентининг 2005 йил 14 июндаги ПФ–3618-сонли «Бозор ислохотларини чуқурлаштириш ва иқтисодиётни янада эркинлаштириш соҳасидаги устивор йўналишларини амалга оширишни жадаллаштириш чора-тадбирлари тўғрисида»ги Фармонининг 2-илоvasи 4-бўлимига мувофиқ Ўзбекистон Республикаси Марказий банки Бошқаруви **қарор қилади:**

1. Банкларни рўйхатга олиш ва лицензиялаш тартиби тўғрисидаги низомга (1999 йил 11 февраль, рўйхат рақами 630) иловага* мувофиқ ўзгартиришлар киритилсин.

2. Мазкур қарор Ўзбекистон Республикаси Адлия вазирлигида давлат рўйхатидан ўтказилган кундан бошлаб ўн кун ўтгандан кейин кучга киритилсин.

Марказий банк Бошқаруви раиси Ф. МУЛЛАЖОНОВ

Тошкент ш.,
2005 йил 16 июль,
15/3-сон

* Илова рус тилидаги матнда берилган.

ЎЗБЕКИСТОН RESPUBLIKACИ COғЛИҚНИ САҚЛАШ ВАЗИРЛИГИ
ЎЗБЕКИСТОН RESPUBLIKACИ ТЕМИР ЙЎЛЛАРДА ЮК ВА ЙЎЛОВЧИЛАР
ТАШИШ ХАВФСИЗЛИГИНИ НАЗОРАТ ҚИЛИШ ДАВЛАТ ИНСПЕКЦИЯСИ
«ЎЗДАВТЕМИРЙЎЛНАЗОРАТ»НИНГ
ҚАРОРИ

221 Локомотив бригадалари ходимларининг рейс олди тиббий кўригини ташкил этиш ва ўтказиш қоидаларини тасдиқлаш тўғрисида

*Ўзбекистон Республикаси Адлия вазирлиги томонидан 2005 йил
21 июлда 1498-сон билан давлат рўйхатидан ўтказилди*

(2005 йил 31 июлдан кучга киради)

Темир йўл юк ва йўловчилар ташиш хавфсизлигини таъминлаш мақсадида ва Ўзбекистон Республикаси Меҳнат кодексининг 214-моддасига ҳамда Ўзбекистон Республикаси «Темир йўл транспорти тўғрисида»ги Қонунининг 16-моддасига асосан **қарор қиламиз:**

1. Илова* қилинаётган «Локомотив бригадалар ходимларининг рейс олди тиббий кўригини ташкил этиш ва ўтказиш қоидалари» тасдиқлансин.
2. Ушбу қоидалар Ўзбекистон Республикаси Адлия вазирлигида давлат рўйхатидан ўтказилгандан 10 кун ўтгач кучга киради.

Соғлиқни сақлаш вазири Ф. НАЗИРОВ

Тошкент ш.,
2005 йил 4 июль,
3-сон

«Ўздавтемирийўлназорат» инспекцияси бошлиғи Б. ЮСУПОВ

Тошкент ш.,
2005 йил 4 июль,
1/6-7-12-сон

* Илова рус тилидаги матнда берилган.

Ўзбекистон Республикаси
Адлия вазирлиги маълум қилади:
вазирликлар, давлат қўмиталари ва идораларининг
умумий мажбурий тусдаги меъёрий ҳужжатларини давлат
рўйхатидан ўтказиш ҳолати тўғрисида
2005 йил 9 июлдан 22 июлгача бўлган маълумот

1. Давлат рўйхатидан ўтказилди:

1. «Гиёҳвандлик воситалари ёки психотроп моддаларни нотиббий истеъмол қилувчи шахсларни, гиёҳвандлик ёки заҳарвандлик билан касалланган беморларни ҳисобга олиш ва кузатиб бориш тартиби тўғрисида йўриқномани тасдиқлаш ҳақида» *Ўзбекистон Республикаси Соғлиқни сақлаш вазирининг 2005 йил 15 июндаги 278-сон буйруғи.*

2005 йил 15 июлда 1494-сон билан рўйхатдан ўтказилди (2005 йил 25 июлдан кучга киради).

2. «Қимматли қоғозлар бозорида маслаҳат бериш фаолияти тўғрисида низомни тасдиқлаш ҳақида» *Ўзбекистон Республикаси Давлат мулки қўмитаси ҳузуридаги Қимматли қоғозлар бозори фаолиятини мувофиқлаштириш ва назорат қилиш марказининг 2005 йил 15 июндаги 2005-06-сон қарори.*

2005 йил 15 июлда 1495-сон билан рўйхатдан ўтказилди (2005 йил 25 июлдан кучга киради).

3. «Ўзбекистон Республикаси банкларида кам баҳоли ва тез эскирувчи буюмларнинг бухгалтерия ҳисобини юритиш тўғрисидаги йўриқномани тасдиқлаш ҳақида» *Ўзбекистон Республикаси Марказий банки Бошқарувининг 2005 йил 11 июндаги 13/5-сон қарори (янги таҳрирда).*

2005 йил 15 июлда 1496-сон билан рўйхатдан ўтказилди (2005 йил 25 июлдан кучга киради).

4. «Очиқ валюта мавқеини юритиш қоидаларини тасдиқлаш ҳақида» *Ўзбекистон Республикаси Марказий банки Бошқарувининг 2005 йил 28 майдаги 610-сон қарори (янги таҳрирда).*

2005 йил 15 июлда 1497-сон билан рўйхатдан ўтказилди (2005 йил 1 августдан кучга киради).

5. «Темир йўл транспорти йўловчиларининг қўл юкини, багажини, валютасини ва валюта бойликларини божхона назоратидан ўтказиш ва расмийлаштириш тартибига ўзгартириш ва қўшимчалар киритиш ҳақида» *Ўзбекистон Республикаси Давлат божхона қўмитаси, «Ўзбекистон темир йўллари» ДАК, Молия вазирлиги, Марказий банк Бошқарувининг 2005 йил 7 июлдаги 01-02/12-17, 42, 64, 120-В-1-сон қарори.*

2005 йил 15 июлда 619-1-сон билан рўйхатдан ўтказилди (2005 йил 25 июлдан кучга киради).

6. «Тижорат банклари томонидан Марказий банкда мажбурий захираларни депонентлаш тартиби тўғрисидаги низомга ўзгартириш ва қўшимчалар киритиш ҳақида»

Ўзбекистон Республикаси Қонун ҳужжатлари тўплами, 2005 й.

Ўзбекистон Республикаси Марказий банки Бошқарувининг 2005 йил 11 июндаги 13/7-сон қарори.

2005 йил 16 июлда 1444-1-сон билан рўйхатдан ўтказилди (2005 йил 26 июлдан кучга киради).

7. «Ишловчи пенсионерларга пенсия тўлаш тартибига ўзгартириш ва қўшимчалар киритиш ҳақида» Ўзбекистон Республикаси Меҳнат ва аҳолини ижтимоий муҳофаза қилиш вазирлиги, Мудофаа вазирлиги, Ички ишлар вазирлиги, Миллий хавфсизлик хизматининг 2005 йил 6 июлдаги 103, 361, 3/3-413а, 80-сон қарори.

2005 йил 20 июлда 198-1-сон билан рўйхатдан ўтказилди (2005 йил 30 июлдан кучга киради).

8. «Ўзбекистон Республикаси тижорат банкларида бухгалтерия ҳисоби ҳисобварақлари режасига ўзгартириш ва қўшимчалар киритиш тўғрисида» Ўзбекистон Республикаси Марказий банки Бошқарувининг 2005 йил 25 июндаги 14/4-сон қарори.

2005 йил 20 июлда 773-19-сон билан рўйхатдан ўтказилди (2005 йил 30 июлдан кучга киради).

9. «Банкларни рўйхатга олиш ва лицензиялаш тартиби тўғрисидаги низомга ўзгартиришлар киритиш ҳақида» Ўзбекистон Республикаси Марказий банки Бошқарувининг 2005 йил 16 июлдаги 15/3-сон қарори.

2005 йил 21 июлда 630-9-сон билан рўйхатдан ўтказилди (2005 йил 31 июлдан кучга киради).

10. «Локомотив бригадалари ходимларининг рейс олди тиббий кўригини ташкил этиш ва ўтказиш қоидаларини тасдиқлаш тўғрисида» Ўзбекистон Республикаси Соғлиқни сақлаш вазирлиги, «Ўздавтемирийўлназорат» давлат инспекциясининг 2005 йил 4 июлдаги 3, 1/6-7-12-сон қарори.

2005 йил 21 июлда 1498-сон билан рўйхатдан ўтказилди (2005 йил 31 июлдан кучга киради).

II. Давлат реестридан чиқарилди:

1. Ўзбекистон Республикаси банкларида кам баҳоли ва тез эскирувчи буюмларнинг бухгалтерия ҳисобини юритиш тўғрисида йўриқнома. Ўзбекистон Республикаси Марказий банки Бошқаруви томонидан тасдиқланган (2003 йил 14 январь, рўйхат рақами 1200).

Адлия вазирининг 2005 йил 15 июлдаги 107-мҳ-сон буйруғи билан реестрдан чиқарилди.

2. Очiq валюта мавқеини юритиш қоидалари, 1-сонли қўшимчалар. Ўзбекистон Республикаси Марказий банки Бошқаруви томонидан тасдиқланган (1998 йил 3 август, рўйхат рақами 466; 2000 йил 11 август, рўйхат рақами 466-1).

Адлия вазирининг 2005 йил 15 июлдаги 108-мҳ-сон буйруғи билан реестрдан чиқарилди.

Мазкур ҳужжатлар амалдаги қонунчиликка ўзгартиришлар киритилиши ва янги норматив-ҳуқуқий ҳужжатлар қабул қилиниши муносабати билан давлат реестридан чиқарилди.